




978806

咸豐丙辰開雕



高辛研齋初稿

平江三德堂板



同人評語

綜觀諸作文體在魏晉之間時賢中於穉存先庶為近家學淵源於茲益信今雖一行作吏此事遂廢而磨盾草檄露布飛馳當更有鞭雲掣電之文與聖德頌淮西碑並傳也時將遠別率志數言草綠湖南我心俱往

韻甫黃燮清

澹若白雲瀏若清風輞川盤谷異曲同工

笠湖應時良

統讀古今體詩清新禮麗神似槎軒集中柔腸盪春魂顯氣軼秋爽二語不啻自狀其妙已為廷君芳宇拈出不復曉舌

巢笙汪傳霖

高辛研齋雜稿

一



高辛研齋雜稿

海昌

俞承德

改名少軒

葛問原仙廚妙品畫冊題跋

鮮態可摘清香若流薦入春廚疑湛宿雨腴來秋酌儼落新
霜集四孟之仙肴供一番之幽玩披圖邃谷渴猿窺而伸肱
展帙深林饒鳥矚而厲吻技真入化採可以茹聊贅蕪言以
當蒲拜

半弓園銘

并序

己亥仲春朔承德兩行師古橋適遘陸丈一齋立談不數語
要至鐵硯齋出近作示德讀孤鶴寒嘯清響自傲有如詩境

高辛研齋雜稿

因得覽齋外半弓園園多叠石峯峯作山狀修竹數个映規
池清澈雖地不徑畝而苔痕草跡併獻春綠時紅梅正放雪
性霞姿芳氣襲襟帶餘亦佈列無纖俗隨導遊園側精室洗
騷絕塵埃壁間悉名跡幽禽一啼撫琴獨遠洵大雅之居也
已暮歸想像魂夢契之遂為之銘曰師古橋側有半弓園軫
軼在几卷勺開軒非山足僻近市不喧陽回冬幹雨漬春根
差同蔣徑時掩陶門主人瓌才雲間崢闕偉志乘風豪吟喝
月豹自澤毛馬誰畫骨暫託遲遲終期奮發爐香夕噴硯墨
晨融室虛生白塵淨飛紅琅琅清咏犖犖幽衷慚深凡鳥技
爨雕蟲製成宵半願質良弓

連珠

蓋聞晬卽誓生疑由會起故不塞者不流無臧者無否是以古皇制粒食而天下始有槁項之民先聖制衣裳而天下始有見肘之士

前遊湘山寺序

疎鐘何處斜陽對岸之山喚渡前溪修竹入雲之寺西風漸緊小寒欲生凍菜在畦落葉滿磴客來不速驚犬吠于籬根僧出相看起虎嘯于溪角一見契峯頭之話三生証石上之緣白塢幾層青山無極灰撥嬾殘之芋香分文了之茶參花雨以澄心倩松風爲洗耳相與仄步危梯恣眺飛閣嵐峭欲

高辛研齋雜稿

二

墮波空不驚渺烟火于一丸城垣太窄畫漁樵之半幅篔簹皆閒野渡淒鴉寒烟曳雁頗習禪詒稍祛浴溷嗟乎年年塵緹渺渺家山夢痕西子之湖別思管城之樹柳攬驛路一種淒迷草接天涯十分慘綠誰能遣此人何以堪悵故國兮迢遙耽斯境之閨絕漸闌幽賞薄言詠歸韻繞雲蘿響答猿梵慧業所寄奇懷乃申寒灘兩岸藏來衣角之風柔櫓一聲盪破灣頭之月

且住山齋銘 并序

余楚南羈次信宿偈仄枯瓦仰鱗木壁距罅墻基初立阻若對面峯頭積書時有塵落邇值炎節燠燠彌甚思萬物逆旅

素位足適作且住山齋銘以解曰

乾鱗失水稚翮憇林湘君奏瑟水仙譜琴栖栖弔魄眷眷羈
心三年不飛六月之息蟪子護巢靈虵穴壁暑草青疎晚嵐
翠滴生也寄若境足依於斜照入簾寒冰在壺適構斯作藉
銘此居

硯銘

龍蟄石溪雀飛銅瓦筆未資卿墨磨笑我落月窗前墜雲巖
下蕭炎可唾桑穿獨寡

後遊湘山寺序

昔之遊湘山寺也日離于尾眾林皆羸羣山呈露旅鴈自語

高辛研齋雜稿

二

如撥離絃北風振寒漸逼霜氣落葉積寸溪流不喧幽卉貢
其孤芳層雲釀爲凍色猶且履綦交錯韻答球鏗臺楮夥頤
曩爲珠璧並相貺以冷句洵有樂乎斯邛也越二年四月復
客錦江續爲湘山之遊於時新綠如潮蒼翠欲滴空嵐四壁
軟漲一篙幽禽引吭迭作巧弄雜花生樹猶呈餘姿于焉命
儔獻侶尋壑搴林負李賀之一囊借阮孚之雙屐野航喚渡
白羽相迎溪步行登翠竹若導微風乍動筍香滿林積雨新
晴苔色生壁山靈呼之熟客老衲識爲故人佛燈照殿服翼
晨飛怪石當溪靈虵夏蟄低回陳迹飈舉豪情殘碑重摩蘚
暈入指懸閣再上溪光活胸柔櫓忽聲舟來檻下疎鐘時振

響落城隅茶話既宣藻采畢擢言尋舊夢環境迭開若讀故
書醞味日永因念滄熱之更送索敷之有時伸紙命筆聊復
序之云爾

離恨生序爲周次軒作

蓋聞情爲恨根恨卽離起故空山已寒獨獸叫羣缺月將落
孤鴻念侶淵鱗目比崖卉頭並物類猶是人生曷堪若乃名
姝綺友朝娛夕粲方期同心得詠偕老卽一日暫別慨焉動
思百里稍隔悽其用涕豈意鏡匣纔判琴絲忽摧聚短別長
膩畱媚遠鼠慢弄響姍步疑來蠟燭照夢麗影宛覲若次軒
者眞離恨矣余昔楚湘喪偶嗒焉歎歸竹斑長紫空繫艷魄
草宿轉青未收芳骸離竟終古恨用切今旣眷良儔益感同
遇因援筆爲離恨生序

謝徐愛盧丈惠蠟啟

池中酒綠何妨浮拍爲生海上烽青正想橫行之輩蕭蕭茶
鼎眼沫旋虛落落乘絃指聲宛肖餐菊之吟未就搓橙之興
方賒忽尺素之飛來竟含黃之頌到價珍比玉唾細流珠憶
宿火于前宵爬沙曲籟佐舊酷于此日郭索頃筐公子本是
無腸吾人肯孤左手燒來敗竈剛宜帶葉之柴換以新詩愧
乏生花之管性調薑辣味借桃酸背凸霞浮螯雄雪足利饒
牙之脆嚼笑食指之橫分淞浦之鱸四腮遜其鮮美沅江之

鼈九肋無此清腴爰承辱貺敢不拜嘉既嘗水族之珍益感
夷氛之惡防風行戮漫同外骨之專車沃雪易消卽卜列牙
之解甲

與周雲坡書

德白夫微蟲振蟄知東風之恩幽卉貢芳感清露之德何則
得其激舉資其漑植耳况以英偉之士苟得一人焉愛護煦
潤將騰跡蓬累之下揚芳雲陞之上豈不偉哉而德也千里
負笈三年于茲矣落落不得振拔旣負齊女懷安之誚復蹈
柔柔維谷之勢日月易逝壯心激昂且誦陔什益用悲涕足
下爲之柰何時當冬仲風雪萃作寒窗夜讀孤燈獨熒思念

高辛研齋雜稿

五

故人悵望無極德頓首

與蔣賓梅書

德白蓋聞秋風颯起駑馬聞而擊蹄雲路無際禽仰而振
翮豈必千里之駿方思騰躍垂天之翼有冀高舉哉德雖鄙
鈍其志上進也久矣乃日月易逝落落難合虛學南冠之囚
無療東郭之貧淵鐵稽躍夔桐已焦昔人有言夾河爲婚期
至無船每一念及不能爲懷此足下聞之可爲浩歎者也

募收字紙疏

蓋自山開蒼史寶垂芾斧之文流別綠書燦著銘及之體揣
形蛟脚肖狀鶴頭拂素星陳飛毫電散洵古皇之秘軌合宙

之精英也所以楊行坐經困石共嬰夫毒癘李材葬字升階
日擢夫崇班凡此報施尤爲昭揭然而士也罔極漫肆鴉塗
民之無良莫懸龜鑑鳩媒賦艷或散之江牛鬼詩奇甚投于
溷殘編剝蝕腐雨生苔斷畫飄零追風如葉等題橋而鬻采
爭芥壁以張聲文圃零紉代勞薪于土銚經邪敝屣充繡譜
于蓬閨飛來盡是江花拾處誰同屈草飽蟬腹其未盡脫鼠
牙而尤多良足怵心何堪寓日用敢同修勝事藉結善緣負
擔能來俯拾卽是多多益善酬月會之錢斤斤其明記日登
之簿投將朱燄真成造化之鑪送入銀濤卽號吉祥之海以
文會友與福爲兄庶積少而成多俾量人以爲出伏冀雞窗
僑士螢案名人解囊繫而布金惜泥蟠而採玉承蠹文之垂
露逸掇竹于零星法護靈文灰消浩劫事同集翠無忘孔氏
之遺兆卜飛黃請念沂公之報

代作友梅圖記

論交海內幾多翻手爲雲領契山中端合前身是月索溪頭
之一笑恰好枝橫計石上之三生何嫌夢冷落星曙蕭蕭
雪晨獨鶴主盟隻雞移局旌信而指白水示懷而引青松斯
眞耐久之朋可作消寒之侶此 先生友梅圖所由作也
先生豐玉樹骨清冰貯心辨逸響于焦桐拾奇材于斷竹新
詩絕俗瘦格同清妙繪通靈冷馨欲活入林把臂恍逢仙子

于羅浮空谷遐心雅稱高人之籬落摩古落之數寸交定忘
年採野渡兮一枝見應恨晚幾生修到乘興還來影癯不孤
契眞彌淡相逢戴笠誓無取乎丹雘最好橫琴歌欲賡夫翠
羽矧復蘭因贈佩苔契盍簪楊補之以墨梅蜚聲吳仲圭將
梅花作號咸頌東絹合寫南枝逗春信于寒梢寄同驛使接
暗香于片幅分比園丁玉蝶成團獨繞幽賞銀蟾吐魄彌愛
雅遊吟殘秋水之篇素交莫逆悟澈曉雲之夢幽契忘形熱
不因人託孤山以寄傲風其吹女寫一笛以相思特是市道
易漓碩交莫覲非不敦霞契非不勵霜情究之炙手易涼酸
眉莫療奇寒欺骨誰遺范叔之袍大雪打頭莫泛子猷之棹
幾輩蓬扶麻直取助他山憑誰李代桃僵翻虞下石伐木之
風旣邈班荆之雅終希孰若此數點凌空一番投契塵慮盡
滌香因自生望北斗之闌干也應忘寢問東風之消息差慰
離思醇耐朝傾臥雲自醉劇談夕罷倚竹無言悵不見兮三
秋喜先開於十月分投冷蕊眞成清麗爲鄰索寫疎枝漫說
高寒似我

代作聽秋詠月圖序

蕭蕭入耳一天之涼氣初生皎皎當頭千里之澄輝正滿殘
炎乍刷暗蛩引商纖翳全磨珍蛤流素律正調夫夷則聲欲
驚歐鏡忽挂于圓靈賦堪擬謝滴露亦響凌雲若飄秋何月

而不清月得秋而益朗起金奏于太漠涵冰姿于寸毫適從
何來幾砭瘦骨呼之欲出恍認前身回憶妍景初韶芳情未
歇雖無絲竹自賞清音暢好羽觴獨饒醉趣矧新鶯早燕觸
天籟以爭嬌卽暗水春星耽幽居以寄逸迨夫槐陰清午梅
雨沉宵山蟬噪而日乍高池蛙聒而烟初暝非不佳人雪藕
公子調冰蓄流水於古絃時揮綠綺勝深宵之涼酌還注碧
筩孰若此盡洗炎歊頓添颯爽涼颺徐動商籟自生和寺鐘
而遠鏗雜簷鐸而近響溯滂回薄騷屑錚瓏撼虛激音入夜
合奏九邊之鐵騎齊發萬派之銀濤怒奔任童子之垂頭引
幽人之抱膝已足間招毛穎靜寫高商矣矧乃明鏡高飛神

高辛研齋雜稿

八

珠孤揭際素秋之蕭瑟現華月之澄鮮影翻簾而合波光映
沙而奪練清輝萬頃涼信三更曲記紫雲恍聆仙樂花飛黃
雪時飫天香玉斧修來銀盤捧出林亭如洗風露正深幾經
揚彩增華尤足抽妍騁秘重以井梧墜早兔魄疑延窗竹鳴
宵蟾光欲碎爽籟四集朗照孤懸警眠夢於冰簟銀牀動吟
思于瓊樓玉宇善鳴是假覺澄景之如流渺慮爲言定纖塵
之不染中流停舫如部謝尙之遊永夜登樓宛聽劉琨之嘯
擷綺思於華暈濯藻采於明輝列宿交映而煥文長河高瀉
而答響洵騁懷于曠朗而託興于蕭森也今夫草草勞人孰
署清涼之號蟲蟲熱客頻來穢穢之嘲逐臭蠅營慕羶蟻門

渴衷逐日勞鬢先霜其不能析調刁之音軼埃埒之境固已
他若羈人遠託騷客長離驢背船唇忽送衣砧遠響風餐雪
虐頻驚茆店行蹤往往側耳悽生舉頭感易雁一叫而歸夢
如引雞三號而前程已催亦何暇聽寒吹以抽毫仰夜光而
敷韻哉爾乃園亭幽賞竹樹縈環爲羲皇上人有濠濮間意
每當棋定琴眠嵐收雲淨玉漏殘而徐夏珠輪皎其忽升游
鴻遠吟宛助其清弄飛鵲匝繞若寫其窈思激商流辭挹爽
發采自得清閒之趣每成瀏亮之篇宜乎繪出圓冰照來皎
玉動寥寥于空外懸罔罔于當中懷響畢臻含毫愈邈如聞
蕭槭乍開尺幅之生綃結想高寒好和重樓之長笛

高辛硯齋雜稿

九

擬張說進門羊表

臣聞龜茲白駱九真潛牛並皆勇趨角材震山沸海比物醜
類乃得獬羊產自西方秉質虍鬪鬚鬚其角狃狃其形奮不
顧身剛不摧志伏惟陛下簡元戎於十乘聘名士於三顧麟
鳳遊郊龜龍入沼幸得試奇上苑校勇天廷始帆立以爭雄
旣蓄怒以勵憤粹若焱風之迅至合如皎雪之亂集冠鉅刃
以來擊磔叢顛而四搏柔落毛素熱流血殷敗不歧亡勝猶
藩觸足以鼓孟賁之雄振伏飛之銳敢望聖主垂覽庶兼弱
師螻蟻禦寇使麋鹿均得參觀遠會焉竊冀用不贖武試不
竭才自墳首無概激角載賦而矜矜兢兢永戴帝德臣以不

良于行偶違咫尺謹命臣男右牽以獻伏瀆天聽實切恐惶
唐芝山先生山水遺冊題跋

唐夢蝶丈尊甫芝山先生工山水夙爲吾鄉所推重道光壬寅夢蝶丈出遺墨見示承德素不工畫而心知其理嘗謂必清曠之氣溢于胸中然後伸紙下筆迴絕凡蹊其見於畫者迹也承德不及見先生見其畫如見先生矣今夢蝶丈亦工山水以經濟文章名於時嗚呼繼之者畫耶抑不獨畫耶吾鄉人咸耳熟而心許之然則寶此手澤之遺不特見孝思之不匱也卽經濟文章亦於此覘其淵源矣

芟港意耕圖記

高辛研齋雜稿

十

余幼失怙恃賴繼慈見撫家貧無以自給年十八卽遊楚湖揚子浮彭蠡渡洞庭歷辰沅諸灘之險鬱鬱不得志年二十二歸道出江右放舟鄱陽逾富春江而旋焉越二年所復北走清江黃河至易水而返德齒未及壯統計車航所至南北幾入千餘里鹿鹿蠅蠅惟名利是營徒失家庭之樂究天命其莫爭斯倦遊之念兆而偕隱之趣萌芟荷港者在邑之張店里先人遺產在焉雖田不過十數畝屋不過三四椽然地勢崇隆故水澇不能攻溝近溪塘故暑旱不能傷港之沮洳釣者可以漁港之周流來者可以舟自今以後願負耒耜戴釜甌盡室將行辭城居而野耕夫耜于田婦饜于屋青鬪野

蔬黃炊脫粟提筐敬餽聊比于冀缺星而出月而入安貧賤
忘黜陟弟未能友而誼必敦母未能孝而力必竭其境淡而
其味長雖腰黃金手白壁其樂豈相易哉且夫港支流也耕
鄙事也室家之樂至性也惟信諸天故無俗緣惟求諸己故
無忘慮春而麥諸秋而禾諸微雨時來好風與俱心廣而體
舒以視向之顛危於大江巨河者其所得爲何如也爰係之
歌曰

燦燦者金不可冒兮若若者綬未易惟兮我有田畝猶可耕
兮縞衣綦巾願與子偕行兮載耕而食樂吾生兮優哉游哉
富貴何可求也

四照燈賦

高辛研齋雜稿

十一

扶光乍傾澄景未放陰薄瑤軒暗侵碧帳招嘉侶而進牘薦
旨肴而給釀峭寒欲生殘雪稍亮訝玉繩之高懸對銀盤之
孤盪鶴正翥而騰芒龍並眠而翻樣江關才調庾蘭成然蜜
會留四照名隋侯靈珠奚足數秦宮寶鏡自來明疑入無遮
會眞同不夜城爾乃櫻桃街裡柳樹井西屏開孔翠杯泛頗
黎衫長腰細釵重鬢低遷延高唐之女仿佛衡山之妻莫不
朗照春濃圓輝宵耿花明有姿月午無影麝噴蘭閨蛾旋藻
井儼承露之仙盤陋汲漿之寒綆孰若騷客詞人興逸意眞
不慕石倫富那憂蘇季貧雪枕飄茶乳霞杯蹙酒鱗高燕當

空燭一枝中央四角特相宜
倒載不須愁日暮山公更赴習
家池

西山積雪賦

試望西山浮嵐歛翠遠岫韜鬢
烟橫柘寺雪壓松關訝玉峯
之夕皎感薊門之早寒爾其首
太行腋京甸纏連黃牛之岡
帶霓迴龍之殿遊女如茶寶馬
如練罷宵宴與晨權昫流光
之奔電至乃野陰蹙合寒林已
空蕭蕭斜日戾戾搖風術士
燒銀本幻仙人戲玉偏工雀庵
飛絮滿狼澗濕雲重合杳萬
狀晶瑩一色白塔逾高瑤臺無
極罽荷葉之平巒荷葉山在
玉皇山西
隱梅花之遠驛朔氣厲兮獵圍
深坡陀伏兮樵徑仄客有寄

高辛研齋雜稿

十二

燕市貫鸛裘鎗支折脚杖拄平頭
虛聞蔡州捷

時粵匪未靖

莫遂

剡溪遊眺層巖之曜曜引別緒之
悠悠何時歸去湖山美蛸
縮短筴釣寒水

榆葉梅賦

翳天桃之弱幹附郁李之芳枝
葉肖榆而展翠英似梅而呈
姿疑從天上新移靈珠歷歷訝
向江邊先發凍蘂垂垂徒觀
其萼嫩含頰芽新舒綠輕盈珠
箔之旁綽約銀屏之曲清妍
則空谷幽居明媚則溫泉曉浴
笑應傾國買將幾許青錢夢
解遊仙記取一般紅玉不知草
同續斷樹本寄生假無姑之
芳種標清友之香名雪融六出
霞翦九英偏宜鳳卽雙鞞織

月初懸於籬落只恐龍吟孤笛東風已遍於江城宜乎栽向
花磁簪來雲鬢爭娟秀於春蘭陋穠華於朝薜吟成翠莢以
猶疑曲奏紅羅而莫認鶴歸林外俄驚夾道飛英鵲起梢頭
可報故鄉芳信氣清自馥韻淡逾妍脂痕暈薄瓊瓣粧圓鏤
碧而柔條沃若栽紅而細朶嫣然聘到海棠漫惜殘春送雨
倚來修竹剛宜薄暝籠烟良由巧奪天工勝添花事疑偷二
本於園丁誤寄一枝於驛使豈萼蕝而竦雲每橫斜而映水
蘇長公重來隄上莫厭濃陰林處士曾臥山中未窺豔蘂遂
令沽美醕炙幽香招嘉客譜羣芳爲之賡東門之什誦南華
之章擬金屋以藏嬌休問金鄉之路證玉衡之散彩應開玉

照之堂

高辛研齋雜稿

三

梧桐鳥詠

并序

梧桐者寓津門時所畜鳥也鬣厚黃蠟色吾鄉呼爲蠟背額
正平頭尾翼黑而澤腹背色淡灰嫩紅距性馴饒吳中里嫗
輒善飼之籠入人家使銜葉子牌占人窮通天壽有驗者蓋
鳥卜之遺也北人以其嗜梧桐故名戊申夏四月僕人購得
一頭畜枷上飼以紅花子輒睨而食之每飲以滌筆否水朱
桐軒少農迨然笑曰此鳥來生脫羽而保當粗識烏焉矣廿
七夜二鼓余旣就枕忽有黠猫屏息入暗陬緣几攬枷潛銜
而出鳥猶夢未覺也至戶外驟狼其頸始振翼撲地映映驚

詔余聞急呼僕追之則貓已銜鳥登屋不知所之矣余既疾
貓之陰鷲而惜鳥之無罪死也爰爲之誄曰

吁嗟梧桐兮斐尾其羽秉性虛恬兮不啄蟲魚叶慰我誄廖

兮方外之侶何彼狸奴兮不食我鼠狙伺貞禽兮奮其陰謀

叶乘夜篡取兮不知處所問茲禽其何辜兮乃葬爾肚洵爾

貓之不仁兮剛則吐而柔則茹

武陵縣訓導儲公神道碑銘

公諱攻躬字石友號暉如湖南靖州直隸州人明永樂廣西
右布政淮南公之十五世孫也門承通德累葉扇其清芬世
挺達人華支衍其茂緒幽光不曜道風愈高考碧山公學有

高辛研齋雜稿

十四

心傳性尤骨鯁雲篇樂其遮眼雪刺忘其滿頭門集修羊克
廣西河之教林投窮鳥時療東郭之貧及溺拯而髮媿再生
斯饑暵而庇羸立起凡茲陰德益裕後昆公卽其長子也生
秉異姿夙標淳行驗提戈於周倅幕帶劍於生平神豹隱山
澤霧而文章早耀靈蚪螫沼族雲而光氣先騰結緣之珍輒
增價於卞氏飛黃之駕屢見賞於郵門而乃欲上強臺煩遭
弱水鵬搏屢阻鸚薦虛鷹狄虎彌之蒙輪自成其一秦堊父
之墜堞復上者三承家術而權作經師處鄉曲而每多豪舉
嵩衡義重篋擿財輕有臨淮指囷之風具祖約散錢之概懋
暘人於夏樾饋餓士於秋蘆與難弟爲同心繼先人之素志

而且秉文奮武居安思危籌糧則精比鄴侯修械則巧同墨
子飛鴉戢翼點鼠潛蹤萑澤斂其揭竿梓里賴之安枕道光
庚戌歲李沅發滋事竄擾靖州公身資捍禦力掃披猖幸首
逆之旋擒慶膚公之迅奏當事以訓導入保歸部選用廣文
司鐸寒氊署其清銜講藝投戈故紙敦夫夙好是歲卽丁外
艱心傷呼吳蔭歎摧乾侍疾則露禱必誠作孝則風吹欲倒
雨灑王修之泣霜嚴邵敏之廬斯天性之篤誠蔚人倫之儀
表咸豐癸丑正月服闋晉省復膺薦入欽憲行營往剿桂東
土匪熱瘴陰嵐之地深榛叢箐之區封豕長蛇黔黎日恣其
毒蠱游光野仲清晝亦逞其閃屍局變蒼黃丸探赤白莠以
驕而愈桀蔓且滋而難圖公磨劍十年提軍一旅奮其絕怒
翦此禱頑震投命之殛躄激鳴弦之霹靂炬投雉尾而木驢
盡燒穴竄狐踪而土狔早塞洞名白水喜劇賊之殲除城是
藍山報重圍之立解矧復追奔江右轉門道州奪稍塞旗衝
鋒陷陣賈十盪十決之勇逞九上九下之雄呂子恪之擊黃
巾征無不克龐令明之破白騎奮輒當先等捧海而澆螢直
傾崑而壓蟻信乎前身因果疑是鐵星唾手功名將鐫銅柱
矣四年二月逆匪由岳州湘陰竄擾甯鄉白坡之盜橫行黑
山之眾掩集甚張廣勝之攻滴水同陳友才之襲潭州豨突
狼奔蠶屯蟻聚士無鬥志地鮮堅城劫掠旣肆於羅江憑陵

且及於星嶺惟公威稜愈厲鋒氣益張呼赤老而戒聞金帥
白徒而命具玉厲兵秣馬破釜沉舟虎步龍驤雷轟電掣陰
風慘淡鶴鵝之陣彌雄積雪森寒鴨鶩之聲盡亂景丹突騎
果是精兵楊愔儒生迥勝武士無不以一當十奮勇爭先流
血成川呼聲動地倍振蒼兕之氣已寒青犢之心向使呼裨
將以傳餐得偏師爲游闕左甄疲而右甄未動前隊勝而後
隊夾攻犄角無孤立之形首尾有交應之勢何難掃蚩尤之
醜類盪貳負之餘魂無如賊聚愈多兵援不至還營路斷勒
馬橋危奮臂直前甘作老羆之冢洞胸決戰竟成落鳳之坡
矢竭鼓衰身捐名立星摧上將岳隕中峯令甥文庠楊華英
亦與斯難不虛宅相同爲國殤嚴挺之乃有此兒何無忌酷
似其舅英毅並垂于霄壤悲愴直遍于軍民事聞賜卹如例
卜葬于艮山之陽建馬援之崇祠魂歸故里讀羊公之遺碣
淚灑空山碧血難消揭孤忠於八表赤眉未滅鬱餘憤於九
泉哲人云亡昊天不弔嗚呼哀哉長子先培次子先基遭斯
慘酷痛甚搶呼並摯行之可風信孝思之不匱乃爲銘曰金
井毓秀玉柱降靈翫虎綺歲判鼠髻齡武精九法文履六經
匣虹氣白囊螢燄青孝通河鯉友篤原鶴竹萌冬野荆發春
庭慶溢門閭名高州里鄰不爭桑道無嘗李孫叔埋蛇董昭
渡蟻鬻餓梯寒草澆盪瘡銅馬無驚土梟不起醇酒飲人太

阿知己俄驚光火甚比跳梁鋒爭礫蝟斧盡撐螳爰提虓闐
誓靖獠狂連營偃月淬刃吹霜三捷屢奏百戰莫當器械山
積牛馬谷量累策奇勲遽遭浩劫師燿寇深路危橋狹怒甚
蚪髯力窮駢脅痛失張矛悲纏劉錡豹質千秋駒陰一雲遺
禍常存斯人足法

祭火神文

惟神質稟炎精功資爇物威靈震赫德曜離明徵藻飾于鳥
赤龍青溥薪傳于榆春桑夏現壽者相昭融分斗極之輝時
焚王宮照灼徧星沙之地燧人始隆於炎帝燿司特祭於周
官古昔爲昭今茲尤烈去秋豺牙宓厲虺毒潛吹同陳友才

高辛研齋雜稿

十七

之襲潭州比張廣勝之據滴水計已成於焚郭勢幾甚於燎
原赤羽星流紅巾雲布間不容髮燃且及眉廼烈燄騰空增
竈之軍威倍震回颺蕩野傾巢之賊膽都寒卒退妖氛胥歸
默佑同戴 神靈保障郛屋臚歡欽承 天語褒嘉

楓宸錫寵 某 等夙瞻丙曜謹奠溪毛爰率寅僚恭懸簷額
所願狐篝永靖羣生仰赫濯之威狼燧全消闔境享昇平之

福

祭廣濟真人文

惟真人誕生元季結想古初儀範清冷風神軒舉隱偕鮑妹
桃實分甘師事周仙蒲團攻苦陶處靜術精導養梁野人趣

冷山林比景共波葆元浴素迨木鑽就穿之日留金剛不壞
之身蛻鶴骨於青山署鴻名於紫府音塵自邈靈爽常新在
昔三伏驕陽四郊苦旱羣效黎收之拜上通旰嚮之誠青詞
乍蒸於崇壇白雨俄霑於匝野允資道力夙荷 天題仰

廟貌之更新賴神庥之永護去秋狂兇披猖窮猿奔突掠地
有同於黃浩負嶠更暴於李蠻月暈重圍成眾煦飄山之勢
霧迷五里有羣輕折軸之虞而乃蛇鳥飛騰風雲號召翩躚
鶴氅人疑丁令重歸隱約鸞車共識蘇仙再至城上之軍威
倍震江邊之賊膽俱寒卒使狼燧風清鳩居雪活荷 芝

綸之疊沛晉錫徽封瞻藻井而增輝益流芬響 某等肅修祀

高辛研齋雜稿

十六

事謹奉儀章葦蕭蕢桴庶動和平之聽雲車風馬彌深來格
之思惟祈盡洗甲兵上抒 九重宵旰從此胥安丁壯同

登百室倉箱

致福泉銘 井序

平江官廨舊無井泉暑月出汲日百餘肩往返殆數
十里擔夫况瘁予特穿是井以紓民力兼惠後人名

曰致福井綴以銘

平暑無井遠汲山足億哉水夫肩頽暑溽我穿此井名以養
福鏡激醴甘獨痾蕩惡民不罷勞政無怨讎自今伊始請以
井卜官清則清官濁則濁惟爾有神永矢勿告

硯銘

住家之字江作幸昌字水宇宙有大文吾生雕蟲耳

鸚嘴硯銘

慎守爾口乃可以久玉壘之破不如完岳

高辛研齋雜稿

十九



五
六
七
八
九
十
十一
十二
十三
十四
十五
十六
十七
十八
十九
二十

鸚嘴硯銘

五
六
七
八
九
十
十一
十二
十三
十四
十五
十六
十七
十八
十九
二十

金補之明府墓志銘

公諱德麟原名元恩號補之江蘇太倉直隸州寶山縣人也
先世爲浙江桐鄉望族考諱以堂公乾隆庚子舉人時譽文
雄潛德不耀公生而岐嶷克紹弓冶舉嘉慶戊辰科丙戌大
挑一等歷任河南中牟汲縣宜陽湖南安仁醴陵縣事強教
悅安民不苛擾僉有去後之思焉充河南乙未科同考官披
沙遇寶得士稱盛年七十餘大吏以公年且老罷職然公之
精力固未嘗衰茶也公天性平易與世無忤平昔健詩文嘗
舉論語上下二十篇篇成一藝利轉直指固抱人推老斲輪
又嘗集少陵句爲古今體詩二百餘首若出自己無牽綴迹

高辛研齋雜稿

三

梓行於世其自課雜詩歲數百篇輒於小格作蠅頭書見者
謂翁矍鑠未艾也年七十有九夢神謂己遲三載當赴修文
召公每語翰而歎曰壽逾八秩逝且何憾惟天涯斷梗糞糞
無依耿耿難瞑耳擬購薄田湘潭爲身後弱小計翰因與同
人欣成其事今竟妖夢是踐哲人云萎可哀也已公生於乾
隆戊戌年八月初八日歿於咸豐己未年九月二十九日享
壽八十有二卜葬於湘潭之石灰坵夫人某氏早卒妾某氏
公長子某曾仕粵西以軍務勞致疾短折公深慟焉承重孫
紹業孤子鶴沙鶴渚俱幼東海後學俞鳳翰爲之銘其墓曰
人叢其疚公鮮失兮人脆其齡公大耄兮人朽其言公不滅

兮庶乎屢空畱清白兮薄產二十聊詒厥兮藐是諸孤幸存
活兮鬱鬱佳城奠旅歿兮樹松五粒翳寒日兮我銘此石無
或斂兮

祭劉猛將軍祝文

惟神筦攝百靈保綏萬姓騎箕通其胙蠻伏鉞振其威稜南
省經兵燹之餘撫彫殘之眾去秋飛蝗入境從風而幸未成
災遺蟻在山少雪而虞其爲害令早申於寮屬飭遍掘乎郊
原方冀醜類之全除詎料孳生之猶夥當茲青秧鉞插黑蟻
繩行旣滿谷而滿坑且食苗而食節秉畀炎火猶然趨趨成
羣如以熱湯其奈薨薨逐隊雖竭聚殲之術未收撲滅之功

高辛研齋雜稿

五

恤彼下民財旣殫而何堪歲儉愧予長吏職共慄而惟仗神
庥伏望克鑿明禋默垂靈佑施天威於風行雷厲淨物害於
蠕動蝸飛庶有豸乎旱氣潛消夫恆象眾維魚矣化生遂兆
夫豐年

畿輔通志載劉猛將軍名承忠廣東吳川縣人正月十三
日誕辰元末官指揮從戎剿賊有猛將之號適江淮飛蝗
千里揮劍督兵逐捕蝗盡殛死後因元亡自沈於河土人
祠祀之又聞怡菴雜錄載宋景定四年旱蝗上勅封劉錡
爲揚威侯天曹猛將之神蝗遂殄滅

一文式畧方伯格 思補堂試帖詩跋

五言之製權輿蘇李亦越魏晉代多雜咏蕭梁以來簡文始有賦得隴坻雁初飛之題元帝有賦得蘭澤多芳草蒲生我池中各咏逮至陳隋張正見江總李巨仁王由禮之徒多有賦得之作類皆酌古製題散文結體脫畧聲韻具微而已李唐崛起沈宋輩作應製諸詩韻多得字人握蛇珠窮究法律永隆二年始詔明經試帖詞標文苑特科取士校練務精蔚乎大備矣然明月夜珠登爲上選江上峰青疑有神助要皆片詞見籠隻韻稱奇求其全璧少疵純錦成疋又多乎哉宋元以還於茲爲盛體製日精蹊徑獨闢千金之裘弗雜羔裘海圖波濤無取倒置點次以層析爲能詮發以貼妥稱貴修

高辛研齋雜稿

三

辭以莊雅居宗製局以瀏離見尙同館之刻日益大觀卓然成家奚翅七九方伯夙承家學早歲通籍共職起部公餘多暇尋律定墨日課斯體研覈既精純詣乃造往歲典試中州分校禮闈一時品題之士咸得口講指畫長聲價焉嗣以不次之擢爲楚屏翰政平人和案牘無滯爰取舊製重加捃理萬灌之劍彌瑩神鋒九還之丹可換俗骨炳炳琅琅涵今茹古洵藝苑之鴻裁也同人咸請付手民嘉貺後學窺測之見用志厓略非敢奉塵足嶽聊附玉溪之序一品集爾

談屑序爲馮少山司馬年伯

晟作

瓜牛廬有咫之盆壘卷石狀畏佳翼扶寸之株注水環之儵

魚膏其中出遊從容巨壑若焉子顧而樂之旦夕而抗之客
有媿者日子曷不晞昆侖採星宿樹豫章之材引橫海之鯨
而顧睠此眇小者耶子其有蓬之心翥於道而竅啟者耶子
曰惡是何子之固也泰山不讓土壤故能成其高河海不擇
細流故能就其深干霄之木挺於牙核吞舟之魚卵於鍼末
庸詎知微之不可見鉅耶庸詎知寡之不可見夥耶庸詎知
詹詹者之非炎炎者耶日月著矣而燭火不息誠蔑矣索物
於闇室燭火之光一日月爾安得嘆此而訾彼耶是何子之
固也今夫道亦多術矣經渾渾史畢畢諸子百家涓涓微而
顯志而晦彌綸天下之事記久明遠彼溝猶沓儒闡焉閉之
雖金舌弊口猶將無益也是故喜怒哀懼愛惡欲情之大竇
也忠孝節廉仁義忠信理之大防也偏於理而溺於情者有
之矣未有出於情而中於理者也今將筦其情牖其理殫惡
而雪善接人以糺見尾知首則閔篇之難稽不若曲說之易
曉也莊子之言曰道惡乎往而不存言惡乎存而不可揚子
之言曰其事則述其書則作此之謂也若夫倚物怪變鬼瑣
不經道費而隱反鈇察之而愈可好也五寸之矩盡天下方
則盆池之說可通是書旨矣屑也云乎哉爰肅客退命筆爲
之序

予往歲僑寓盤澗園池亭幽闌花竹翳如聽鼓餘曷勝侶斯
集時與子英比鄰百步而近每接緒論訥如不出口信紅
德厚温然詈然嘗讀其悼亡三十首夢斷魂翔珠積於淚知
其根至性發真文焉復出養花館試帖見商金石雲陞蔚若
雕畫聲理有爛和以天倪不翅前後七家爲加墨圍以志傾
倒嗣子英出刺茶陰與物爲春民以蘇息豐碑在口符宰春
陵一別如雨於今三年時聞循聲用慰翹想貽我芳草證其
素心頃迫同人之請梓試律以惠來學索予譚言弁首余謂
應制之作有與雜體異者有與雜體同者趨必繩步必萬毋
朱儒之獲雜毋海圖之倒置不窺不擲辭尙體要而不得以

高辛研齋雜稿

五

馳騁自恣此與雜體異者也若其發端也務渾結響也務遠
妥貼必出以排奭端莊必雜以流利貴紆徐之妍而謝局束
之苦美哉洋洋穆如清風不又與雜體同焉者乎子英諸作
固叶律而不爲律縛者也雖庖丁奏刀郢匠運斤技進乎道
何以加茲余枯硯久蕪乾螢戢耀詎敢以野雀之糞放於佛
髻特喜其敦本善俗復羨其詩律之細又烏可以不文辭時
當春暮庭餘雜花宿雨放晴心神怡曠率爾書此還質之養
人如養樹者

書許彛伯明府之敘紀遊入幘後圖爲程稚蘅齋尹

慶所作

稚蘅彞伯皆余酒友也稚蘅善畫而忌醒彞伯工詩而嗜醉
予則兼喜詩畫惡醉而強酒三子者狎於燕放於楚人皆以
爲不祥人也然世方擾亂東南魚爛而三子者猶得酣嬉淋
漓不知天地之大毫芒之小又安知非爲大祥耶此幀彞伯
所爲志其祥也

高辛研齋雜稿

三五

高辛研齋雜稿

不賦天賦女大夢年女小又去味非欲夫瓶取此詩是也

不賦天賦女大夢年女小又去味非欲夫瓶取此詩是也

不賦天賦女大夢年女小又去味非欲夫瓶取此詩是也

不賦天賦女大夢年女小又去味非欲夫瓶取此詩是也

湖南東安縣知縣趙公傳贊

公諱榮祺字雲伯直隸籍其先浙江紹興人也道光辛卯舉人咸豐初棟發湖南公久居京師家貧筆耕為活嘗館某尙書幕尙書性豪誕時集賓客金貂粲麗縱酒博塞一擲百萬倡優雜坐歡呼徹夜公以縕袍廁席夷然不以為病至楚歷署慈利沅江縣事明恕寬仁愛民如子公瘦面疏髭狀若老嫗眾稱之為趙母繼補東安令先是己未歲賊躡東安縣令李公閤戶殉靡宇盡燬城市為墟百姓流離瘡痍滿目越數月公單騎赴任撫殘修廢寢不安席未及一載賊復竄突傷禽驚弦民乃大恐時楚南數被兵軍需火急悉索誅求草野

高辛研齋雜稿

數語揭出守土之難

生氣懷然

鮮○蓋○藏○州○縣○正○賦○徵○入○者○輒○償○各○營○連○餉○營○弁○坐○責○持○去○卒○遇○寇○警○縣○庫○嘗○無○一○錢○公○左○支○右○絀○所○募○盡○市○人○怯○挺○戰○計○惟○嬰○城○守○以○待○援○師○賊○勢○剽○疾○瞬息○掩○至○白○幟○匝○野○望○之○如○茶○守○陣○羸○卒○不○及○于○數○相○持○闔○晝○夜○城○上○築○石○以○投○賊○賊○梯○衝○百○道○肉○薄○而○登○一○軍○潰○亂○勢○不○可○支○公○急○退○入○署○伏○劍○未○殊○賊○至○見○執○公○裂○眚○大○罵○曰○死○翼○賊○恨○不○生○噉○汝○遂○被○害○長○公○子○燕○堂○亡○走○他○所○聞○公○死○奔○赴○尸○旁○蒲○伏○枕○股○慟○哭○不○去○與○幕○客○胡○琅○笙○同○時○戕○害○為○庚○申○十○月○十○六○日○也○琅○笙○名○玉○林○亦○紹○興○人○任○俠○喜○交○游○與○余○素○未○識○面○余○宰○平○江○時○琅○笙○在○省○持○古○轍○硯○一○方○造○余○第○而○請○曰○聞○石○翁○癖○好○古○故○以○相

引用恰切

陰慘之氣
草木悽悲

贈非有干也。遂去不顧。余驚而異之。善刑名術。所在有聲。凡兩就趙公聘。計畫條理。多所輔益。憂患與共。卒羅於難。君子曰。謀人之邦。邑危則亡。之謀人之軍師。敗則死。之琅笙有焉。因并爲之贊。以存其人。其辭曰。惟臣死節。克篤忠貞。惟子死孝。莫殫哀誠。惟友死義。乃畢交情。碧血入地。青燐滿城。陰雨如晦。晨鷄不鳴。人慘其遇。天鑿其精。塵棲弱草。疇能長生。偉矣公等。千載遺名。

敘次變化是合傳體。叅之太史。以著其潔。雲伯爲子同年。相別十閱月。而公千古矣。雖然。山城斗大。兵食缺如。第以一死責之守土者乎。如邊事何也。予嘗著芻言一

高辛研齋雜稿

則未敢出而問世 馮晟識

湖南城步縣知縣安公傳贊

公諱安和。字治亭。滿洲正白旗人也。佚其姓。人稱安公。公身長不滿六尺。鬚微黃。目短視。性諧噱。與物無忤。舉道光辛巳科。咸豐二年。揀發湖南知縣。嘗署浦市判。邊陲散職。清無一事。歲入俸錢。不給。餽粥。妻窮居京師。無貲。以迎布被繩床。經年曠宿。某大吏嘗過浦市。署入廳。事坐公良久。乃出。大吏甚怒。其慢後。知公象服。付質庫。故遲之久也。大吏轉爲憮然。公脫畧好飲。居官貧。不易得酒。嘗就某寺老僧飲。僧鶴髮。見齒意趣豪邁。每置酒高會。輒浮巨觥。勸釀酒半。案板歌思。凡劇

叙事如繪

幽險可畏

聞者無不神思迷眩。酬嬉絕倒。曲終大喝曰：君等毋認作十
八小尼。吾乃八十歲老和尚也。眾益鼓掌驩笑。公亦極醉忘
形焉。其真率類如此。旋返省。抱關年餘。窘益甚。庚申夏。始任
城步。楚南叢邑。首城步山野磽堞。民人彫剝。密邇粵寇。比歲
戒嚴。公赴任。卽周覽阨塞。振厲士卒。巧炊爲勞。杞憂彌酷。時
暑雨浹旬。夕月薶翳。司更隸見一白衣老父。長丈餘。蒙袂上
僂。巡牆行。若啜泣狀。靡後大樟樹。數百年物。怪藤纏上下。陰
森膠轉。忽有異鳥集其顛。蒼身黑首。晝夜悲鳴。聲啞啞。野外
多產人面。豈公聞而歎曰：邑其有兵。旤乎何多見。皆也不數
月。粵寇陷綏甯。突犯城步。警謀蠡午。吏民熬然。公計曰：困於

高辛研齋雜稿

三

盲左神髓

城不若堵於境。遂率募勇數百人。迎擊。要諸險。斬數級。賊少
却。俄而賊大隊至。步騎奔騰。風雨雜沓。眾皆克懼。潰走。公左
右才數人。知不敵。遂慷慨太息曰：死於野不若殉於城。城吾
所也。策馬馳歸。署正衣冠。北向拜。投繯而絕。賊踵至。見公已
殞。入搜其室。惟苦醞半甕。敝衣數事而已。賊爲感喟而去。同
官俞鳳翰爲之贊曰：

我侯惘惘。綰符山縣。官來何暮。寇至而戰。忠情發臆。憤氣動
面。車乏羸糧。簞虛勁箭。援絕城亡。時窮節見。生乃不辰。死復
何戀。青史半行丹心一片。掩骨荒原。椒漿誰奠。

可爲長太息

絕正大文字以逸事緯之。遂如太虛清空不可無微雲

點綴所引邑中書異此又史家五行志之類也苦醞做
衣廉吏如繪鳴呼富而幸生不如貧而義死 馮晟識

湖南綏甯縣知縣吳公傳贊

公諱熊原名鳳毛字樸菴浙江湖州府烏程縣人也道光庚
子舉於鄉甲辰考取宗學教習己酉揀發湖南知縣公嘗讀
書杭州水心閣閣旁多植梅冬春之交萬藥競發彌望一雪
佳士宿名遊者接踵德清俞茗琴丈督學蜀中歸挈其孫龔
芸往遊憩公舍覽公文而嘉之曰君才如此有不芥拾青紫
者乎卽迎歸課其孫讀今龔芸亦督學楚北公之始教也初
令麻陽縣號難治民情狡悍寇盜剽掠爲常公蒞任甫匝月

高辛研齋雜稿

四

筆力簡勁

有盜劫奪客舟金客愬縣公卽密捕得盜追還客原金立埋
盜六人於土中以徇一縣讐伏後三年補任通道缺瘠民淳
環山爲治吏耕於野徑戶草生公從容坐鎮暇輒對名花引
佳釀課子弟讀書爲樂四境無擾黎民乂安咸比之宓子賤
焉大吏以卓異報最量移綏甯綏甯故巖邑與粵西接壤臬
賊逋寇邊烽屢驚公下車卽銳意籌防課民團練作爲詩歌
期以戶曉庚申九月粵西白巾賊以突騎數千晝夜馳二百
餘里倉卒薄城下營弁哈某迎戰敗績公惘然登陴力圖守
禦以勇單餉絕城遂陷沒公及其第三子鏞皆及於難初公
舉茂才時祈夢于忠肅公祠夢入一小室墜壁作書云散絲

奇警似古歌謠

引用范經倍見精采

絡女爪黃金冠獼猴莫恃合著口終防白了頭曹不得解至
今始驗女上爪蓋妥字也散絲絡之成綏字指綏甯也庚爲
金申爲猴庚申年也合口爲哈某也白了頭賊皆白中也噫
豈非天哉余與公爲同年最友善聞其死而哀之甚爲作贊
曰

延陵碩士夙擅令譽中年喪耦卒鰥以居來官於楚嘉誦在
輿北風其涼歲月其除王事多難搔首踟躕胡然狡寇襲我
不虞力竭城覆有死無逋父子同殉悲哉嗚呼

時平爲循吏世亂爲尸臣非斯文不足傳斯人或疑占
夢一段近於稗官不知徵蘭泣瑰左氏屢見且以證前

高辛研齋雜稿

五

定之不可逃而君子之樂於守正也三贊古調蒼涼哀

感頑艷

馮晟識

高辛研齋詩稿

海昌 俞承德改名鳳翰少軒

擬張茂先勵志詩

上靈元運密移潛遊滄熱代序七曜俄周金精行令倏其凜
秋蟋蟀居壁大火西流其一陶埏無形候與氣化歲月駸馳扶

光代謝古惜寸晷不遑夙夜世無魯戈日甯反舍其二南山有

竹可括而羽厥修乃來禮交樂舉師曠胡聰七音是緒般爾

胡巧循其先矩其三譬彼中田情農自逸雖有良苗懷新無日

翹勲睿知猶劬書漆人不自覆終棄乃質其四痾僂承蜩若掇

於林累累吾丸多遺之禽愜愜其功幽幽其心匪技之神時

高辛研齋詩稿

術之深其五刻意於行抗志干雲通微合寂揚光飛文內克

胼母弛乃勤榮將載造百里雷殷其六曜靈柔祇列于太清宿

緯皦皦劉流宕真天麗且彌恢乎大盈集成殆庶道隆振聲

七其七遐自邇陟高尋下起若亟迺成必隳厥始遷異宜懲分條

析理毋逐歧途亡羊于里其八自古在昔祖誼本仁氣質陶冶

克協天鈞六藉非故餘味日新藐予小子載企達人其九

擬謝靈運齋中讀書

危瀑懸層峯潛林翳幽壑郡事日清曠展眺坐落寔訟庭滋

青草牙角散鼠雀養疴親圖書攀響積著作俛仰企元根笑

傲時浪詭清飈拂林於曠景倏沉閣緬想蒙莊子甯知達生

樂奔走作述昔願言適間託

卽事

東風昨夜捲芳塵聲亂江濤聽不真曉出城南問潮信魚鰕
市上白如銀

涼颺

涼颺颯秋節落日散砧杵孤舟天際來浪棧自容與問客何
所之騫芳因適楚楚水悠且長箕伯輒間阻析析江上沙離
離岸旁黍景物非故鄉我行已羈旅回首動長望暝烟宿幽
渚

月季花

高辛研齋詩稿

二

月季花花最好牆角一枝春不老絕勝桃李沈東風子鴛啼
處愁殘紅嬌痕着雨燕支濕美人笑並闌干立折來不覺淚
如絲鏡裡紅顏能幾時

早行澗溪道中

出門初日影殘夢落前山樹色疊千嶂溪聲老百蠻瘦狻寒
擁石饑虎暗當關欲問征苗事遺民髮已斑

破曉

破曉去乾州微陽上戍樓雞行荒屋脊雀出古牆頭疊嶂連
雲起疎泉帶葉流苗民久馴習五草靖戈矛

乾州

温暾朝日東方生瘦馬嘶出乾州城故人牽袂道相送奚奴
負囊請先行盤盤入雲石徑仄莽莽枕水田疇平紅裙苗婦
自來往耳環項釧非無情

南來

四圍嵐翠撲孤城官閣清閒草自生敗壁落泥牛識字小池
開雨鴨呼名天寒十月雷霆鬥木脫千山魑魅行莫負南來
無限意幽窻重整讀書聲

客中祀竈日感賦

昔愛年歲新今悲日月馳鄉心集歲莫倏忽祀竈期我今况
有亡慙慙增悲思憶昔卅角日此夕喜欲癡縛燈作神輿廚

高辛研齋詩稿

三

娘慎專司繫以紅絲繩搆以青柏枝帖以雙金花懸以剪綵
旗焚香炳明燭設供雜粟梨香豉煮濕糯捧出紅琉璃長者
拜在前少者競後隨斯須告送神紙錢上天飛兒童驚爆竹
喂母慘欲悲驚定開口笑阿母分糖飴膠牙粘兩手牽衣請
益之搔首問蒼昊此事曾幾時擔囊千里外遠寄天南陲雙
親重泉下感候應思兒繼母日勤瘁家計空支持門庭秋蕭
索堦樹寒禽啼不能自振作何以光門楣父書敢不讀窮達
誠難知痛父不得志終身空酸嘶騏驥尙偃蹇下駑將奚爲

休照鏡

休照鏡照鏡空自憐昨日山頭騎今朝江上船遠行遠行何

所得擔囊剩有風塵色

贈廢者徐拙齋

東海半人鍾晴初裁詩臥榻驚當途公卿才入日造訪病骨
更比寒梅癯邇來閨寂數十載天地猶畱詩卷在長沙寓公
徐拙齋嘔吟繼踵超流輩夢恬書屋詩殊工支離却與晴初
同天將奇疾見奇士還驅奇句酬天公况復下筆走風雨銳
如懸針勁銅弩不脛而走作者林造化小兒詎能苦大江日
去波連天不須囊底愁無錢城西山頭產雲母服之可以終
殘年

黃葉

高辛研齋詩稿

四

江南思遠渺無端槭槭疎林夕照殘野寺疎鐘霜信早石梁
茆店兩聲乾平分暮色蒹葭遠一例秋光橘柚寒却憶新津
亭子上吟成落葉點危欄

赤壁後遊集本賦

昔日登臨處於今復過遊西風高落木孤月下江流危壁驚
栖鷓橫山劃起蚪水聲與松影有夢亦清幽

其二

歸來攜斗酒道已得鱸魚岸俯行歌客山高悄步予笑會遊
不盡視昔夜何如東去歲將暮安能畱日車

其三

水風聽起處江影動衣裳昔過時無久今來夜已長鶴歸半
山月客去一舟霜東道何須問驚飛木葉黃

其四

不識曾遊地時非白露橫孤松落清影流水去無聲草復江
中出魚從石下行放歌開笑口仰視斗車明

幽景

貼水樹根深穴蠹緣牆薛迹濕雷蝸慣拈幽景添新詠又是
鳩啼雨脚多

過辰溪作

溪水三千尺懸巖不可登水犀能噉象風鶴獨追鷹帆影侵

高辛研齋詩稿

五

沙樹灘聲落石脰仙人渺何處幽洞翠巖層

麻陽晚眺

短牆纔幾尺城更短于牆地勢臨溪迥灘聲過雨涼子規叫
深竹戍馬立平崗眾綠延新夏清和日正長

錦江

錦江曾小住晃嶺復來親強客談新鬼驅童索故人四山風
正急幾日雨應勻寥落從姑願圍臣久客秦

復遊湘山寺作兩韻相對

躡屐前遊際孟冬寒雲黃葉宿孤峯攜琴重過逢新夏暖雨
蒼苔生曲樹

又

山伴訪下稷隨雁遊城東溪聲悅舊耳往跡記不嘗修竹滌
塵慮夾徑來清風咬咬長尾禽葶蓂庶草叢幽引倏造極四
矚超鴻濛短牆接睥睨疎樹延青葱層巒隱礪樓飛鳥驚懸
弓日月旣推徙景物不再同昔徂萬彙肅今來羣卉豐世事
有衰盛吾生豈終窮披襟發浩唱歸去辭生公

青蟲

蓬萊弱水一千年不乘飛車不復前粉蝶青蟲原蛻化可憐
春草舊因緣

夢斷

高辛研齋詩稿

六

夢斷明星碧宇涼珠帷花簾泥殘粧莫嫌後會無憑據條脫
還應壓脣香

伏雛行

入市買伏雌將以供大賓雛走修不見逝若網脫鱗山中聽
鮑足或恐膏其斷徧覓不可得相忘已兼旬忽聞陳倉底啾
啾雞雛聲呼童伏入視瓦甃塵縱橫大雛竟頽坐垂翼懶不
噴小雞十五六偃母啼嬌嬰却走入母翼縮項開斜睛童喜
取次出握栗哺晚晴昔聞塞翁馬將駒歸主人雛乎得母類
消長原相因

木芙蓉

朝裁雪作姿暮染霞爲臉疑是藐姑仙醉粧橫翠簾

幽懷

幽懷殊自適萬象靜中看水落灘聲出山深樹色寒蒼豺嗥
日落白雁託雲端近作蒙莊達沈洋戴籜冠

嗒喪操

吁嗟吁嗟兮姊何遽歸于九泉使我心慘痛兮如腸裂而膏
煎憶予諏吉而來南兮羈于今已四年山吾不畏其危崒兮
水吾不憚其奔濤曰承父母之遺命兮締姑姊之嘉緣痛吾
生之艱窘兮未能納幣而成禮翳余戚之自詒兮雖尺咫猶
千里何光輝之遠萎兮心傷歎而己寒飈淒以虛幌兮耿
長夜而獨醒恨孤燈之徒朗兮怨彼蒼其不情生未覲姊之
淑采兮歿未視含而吐誠嗒若喪而自責兮空擎涕之縱橫
慨生者將何以慰逝兮逝者復何以慰生

麻陽雜咏

荒街一道輒蒿萊四壁峯圍烟瘴堆月影微茫昏雨後夜深
豺狗入城來
凍雨旋飛旋結冰山頭木石盡如銀更看峭壁臨江岸飛石
常常打路人

赤脚老巫祈雨頻蟄居怒早上城圍元虵三尺大如磨毒瘴
重山見尙神

邊城

戍鼓邊城春暮時
迢迢五竈獨羈栖
夜深孤枕寒聽雨
杜宇還兼布穀啼

前遊湘山寺疊韻四首

十月邊城春未還
北風寒信雁臨關
飛蛇百道時穿竹
古木千尋欲拔山
日照野園六七頃
雲藏漁舍兩三灣
何當佇月抱琴至
逸興勾畱松石間

乘興來遊不計還
巋然白塔石爲關
溪寒虹蜃無淳潦
野曠雲多不礙山
詩思蹇驢尋賈島
鄉心歸鴈寄王灣
茶分一貼新雲液
文字禪叅不律間

高辛硯齋詩稿

八

毒龍聽法攫雲還
禪寂無人自閉關
地僻野狐爭竊果
霜高饑隼獨搜山
峯前有竹堪書字
硯外多田盡派灣
摩筆懸崖高勒句
興豪題柱五溪間

望窮鴉背夕陽還
孤寺蕭蕭半掩關
城窄人家多傍水
草枯野獵未燒山
佛燈落索枯松頂
危閣憑基亂石灣
暮色莽蒼撥歸棹
疎鐘相送白雲間

丙申七夕

宿病未消歇
萬感心頭上
孤枕夜知秋
西風急蛩響

臥病

臥病蒙頭布被溫
秋蟲如雨逼柴門
天街涼月憑誰賞
寶鏡

懸空淨不昏

遊靈隱寺

迢遞入山行，秋高天氣清。
深巖蟄雲色，亂澗竄泉聲。
佛象幾時鑿，奇形森可驚。
興來無檢束，豪飲敵長鯨。

寒夜有作戲以壁色立積鐵爲韻

老屋夜有聲，古月寒無色。
幽鳥鳴中宵，衰燈倚孤壁。
怳怳夢易驚，怳怳意常積。
長價俟龍登，起舞先雞立。
吐論安重山，振筆截堅鐵。

送春感懷

落徧楊花江上程，殘鶯猶弄樹間聲。
每因隔巷宵傳柝，回憶

高辛研齋詩稿

九

行舟曉打鉦，千里良緣成。
幻夢一天幽景正，傷情異香波弋。
如能覓碧海，蒼天儘遠行。

夜坐

碧宇初升白玉盤，納涼庭院露成團。
生憎死別猶千里，湘竹應憐翠袖寒。

登占鰲塔

老塔刺天如長鋒，雲橫壞壁壘寒龍。
仄梯峭磴滑古蘚，蟲泥雀糞妖狐蹤。
我來盤盤上絕頂，廊欹不敢支枯筇。
有時回覩慄汗脚，但覺四望開塵胸。
陰沙宿雨海色紫，雷蜀射霞山輝彤。
北眺平楚列薺俯，瞰萬竈秋窩蜂。
汗汗巨池仰一勺，堯

堯遠船排雙埔雉埋樹罅粉見蝶螺浮天末青知峯號風撼
晴作勁勢游浪回派相驚衝曠覽遐舉未知極願躡鰲頂來
朝宗手握丹篆集仙侶霓裾羽佩紛相從瑤房華室足游眺
流霞醉臥桃花濃

夏日贈陳廉泉

長簟涼生早幽窻洞可開雲從溪影出雨自竹聲來蝸甲棲
卑草蝸涎積古苔憑誰閒晤語鄰友亦清才

帆影

客路蒲帆十幅懸居人目送暮江邊一痕明滅涼拖水幾點
依微遠入煙紅帶斷霞來別浦白連昏雨接遙天乘風自具
平生志不信靈槎有謫仙

高辛研齋詩稿

十

迎秋詞

碧桐瘦檐珠魄冷幽蛩訴月啼雙井浙浙疎颺透軟羅簾鈎
涼挂銀灣影憶昔繁蟬帶暑來炎炎紅鏡東方開追暑正苦
忽快意驟雨瀉竹山翻雷轉眼殘螢三四點石欄暑淨秋生
簞何人先約拜雙星涼笛一聲露吹臉

有感

當年冠蓋溢華庭人去園空幾度星四面屏山猶曲繞紅牀
樹底菜青青

見牆上草感賦

寓齋有小草寄根墻之巔俊風扇和煦萌達何芊芊况逢雨
膏潤數叢青可憐瓦解少松雜土薄多苔連入世計亦巧微
生幸獲全忽逢圻人至拔棄溝中便本根一以撥枝葉難重
鮮因念倚伏理迅若矢走弦頴歌灌氏族魏其踵不旋宋義
快高飲長帳命已懸俗士貴險幸君子圖完堅試問寄墻上
何如生道邊

書夢

蘇子蟬蛸渺渺莊生蝴蝶蘧蘧嗜古真成結癖夢中每讀奇
書

春閨

高辛研齋詩稿

十一

碧瑣窗深鏤檻斜東風吹綠遍天涯二分無賴同明月一寸
相思訴落花夢怯夜牀驚墜鼠愁酣曉鏡懶盤鴉翠眉玉頰
拚春盡空憶吳宮女浣紗

放蝶歌和

錢警石師

泰吉作

薰風碧草閒庭院宛宛春駒飛欲倦也應覓伴故低徊小劫
無端落團扇團扇輕盈腕力微誰家少女撲將歸彩袖護防
遭燕接鈿籠閉恐逐蜂飛韓憑本是相思種隔宿翩然來接
踵畫出金迷影忽添拚同玉碎情徧重佛心聞此劇相憐笑
爲重結花房綠雪衣比放恩尤厚粉翅齊翻夢再圓世間何
物無情感死別生離向一慘紅蝠雙棲蕉葉長翠鴛共命蘋

花淡所惜天工缺陷多神仙猶悵阻銀河蔚藍補願燒靈石
豈獨花間雙翠蛾

佛爲媒 禁尼姑也

九菴十廂尼多佛惱鬢雲巧妝束貌比越女好少年揮金同
揮塵華月吐燄照酒鱗誰悟橫陳味嚼蠟蜂黃蜨粉爭青春
府帖火急臨安下老尼守菴少遣嫁一旦紛紛造冊忙縱有
狐媚城不藏外夫無曠女無怨善政猶憶周太王吁嗟乎雛
年父母強祝髮清修豈本真心發

夏夜感賦

夏殘渾不熱涼月入窻扉絡緯井邊嘯蜘蛛簷際飛海聲驚

高辛研齋詩稿

十二

野戍旗影閃戎機何日平夷艦重洋報解圍

絕句

男兒無黃金所事輒棘心飛禽須林茂游魚須水深

辛丑孟春遇風楊子江回泊焦山紀事

沙禽嘖嘖飛柳梢扁舟夕發丹徒潮風輕帆正浪無力夜半
小雨還停橈停橈却在古楊子已過焦山廿餘里忽地驚颺
猛作嗥撼天巨浪怒爭起自夜達旦風逾狂長江來去無帆
檣軒軒濤頭白作勢恻恻日脚黃無光此時不先復不後滿
艙相驚難措手沙觜遙看石燕翔船唇屢報鐵錨走風師水
伯真無情助虐更挾蛟龍橫暴如共工觸天柱怒勝慶舍搖

殿裏馮夷鼓急水駭立一舟命與死隔壁舟人子女盡號聲
客子主僕各失色忽得險計真有神開帆倒走焦山濱出門
始覺山川險登岸還思天地仁停舟却步登浮玉高籟猶聞
噫萬木烟外廬尋隱士蝸溪邊碑訪仙人鶴老僧導我四圍
遊檻底長江滾滾流同攀幽磴來登閣傳說陰崖乍覆舟別
尋一室騰光采奇珍疑貢波斯海水晶高可比于人寶鼎終
防守有鬼更開筆跡紗幘中卷畱明季椒山公至今姓氏識
婦豎在昔奏疏排奸雄捧函九拜愴懷古和璧隨珠無足數
但驚眼底舞潛虬不覺耳中吼乳虎須臾樓閣燈初懸飯畱
香積山蔬鮮幸逃一死風波惡翻結三生香火緣古今萬事

高辛研齋詩稿

十三

難前料勝境轉因危境到來宵穩枕過江行應被揚州明月
笑

登車謠

車如鈴人其舌以馬代手搖不歇暫坐甚難少臥却寬長安
不少高軒者局促當年起轅下

臨城道中

清興無端發騎驢過短橋低雲閣溪口危樹卞山腰野水爭
舟亂春泥引路遙東風吹草色漸上柳千條

卽事

故國渺何處門前溪水斜輕烟盪楊柳殘雪帶桃花渴馬時

窺井離人正憶家不須倦行旅夢近鳳城霞

陰平

綠樹陰平路迢迢接翠微碑多鑿空立沙自竹圍飛窄洞魚
苗瘦磽田燕麥稀前村茆店遠鞭影易斜暉

征途感賦

驅車入山路亂石波濤同土壁夾峭徑犖确行奔中細泉動
澗草平沙揚疇風野老愛蹇驢攜之若短童泥井引幽碧山
墩塗殘紅宿麥捲平浪雜花明低叢故鄉柴門遠蠶箔暖正
烘近聞海上寇已散干櫓燿軍雖收浙島氛又熾粵東夷情
變鬼蜮士卒傷沙蟲桓桓當關將父子各盡忠所望洗兵雨

高辛研齋詩稿

十四

青萍刺秋蓬浩浩海波息平平道路通

幽窻卽事

石髮侵池細水梳江梅熟候興何如案畱剩墨時塗畫囊有
餘錢便買書健蛤吹爭涼雨後新蟬響試晚晴初平生饒有
耽吟癖不恤他人誚濶疎

出梅日風雷竟夕不寐感作

神清難引睡魔來竹枕籐牀眼獨開千里風沙誤青草六更
雷雨殺黃梅太求工輒刪新稿無意酣時倒舊醅心折三紅
老詞客

謂應笠湖先庄

孤鶩大雅不矜才

仲夏積雨五絕句

屋漏暗移鼠穴書徽細剔蟲灰何曾多見白日幾成倒做黃
梅

前村橋基沒齒旁渡石級減鱗難往西鄰訪客默坐北窻悶
人

壁罅長角蝸出牆根癩背暮眺媚蘭初種喜活桀莠不鋤防
驕

承雷器溢還滿灌畦車懸甚閒一知了當晝靜雙意而未暝
還

帶水犬眠內戶拖泥雞聚深廊閉門我且不適行路人更難
當

高辛研齋詩稿

十五

三夏避暑自題小書室

我有小書室半弓拓庭除壁間幾幅畫案上數本書栽竹低
婀娜修桂長扶疎能遮暑日烈不隔清風徐閉戶靜可喜開
軒涼有餘靜使一心定涼能四體舒有時披卷讀頗似饑羸
魚有時展簟臥無異寒蟾蜍昔遊楚南楫昨返燕北車洞庭
秋颺渡桑乾夜雪墟駛帆出石險甌輪多水淤勞佚良坐命
飛潛豈操余暫歸意自適閒吟興何如晚蟬引潮響蕭蕭愛
吾廬

書竹凡三弟所見

怒重湧雨虺天車震震野曠攢蒿麻急趨破屋落巨震脫椽

一丈烏梢蛇箭行入草山鬼臂倒屐觸石摧巉牙趣歸昏啓
股猶栗咫途險噉矧四涯

偶作

海日赤西沉巖月白東上暗接女桑陰涼延鄰竹爽

新秋思故人

天氣忽蕭槭新秋歸野塘柳懸河影直竹界月痕涼屨屨眞
無謂飛鴻結遠望故交情不薄宛在水中央

葬遺棺 美杜節婦也

杜節婦一何賢賢若何聽我宣昔年杜氏吏刀筆勢能偷天
換白日生前賓客慣填門死後子孫無立壁無立壁多遺棺
故鬼泣行人歎節婦久徙母家住歸來一見摧心肝心肝摧
後淚枯睫出錢葬盡棺重疊苦從寸指積蠅頭卒使遺骸封
馬鬣嗟嗟此婦不易得刀筆之吏宜自測

中秋甚風雨排悶作

昨夜驚飈抵石尤桂花霞落小山幽六朝金粉堆秋院萬里
銀濤入暮樓跡比守株非待兔名虛負輓等牽牛明年看月
知何處拚醉膝王閣上頭

明春擬負
笈江右

仲春月坐舟次

孤舟成獨往酒盞夜相親春好不宜客月圓徧照人故鄉多
戍火異地又離塵何日歸耕去歡然冀缺賓

揚子江阻風

金山山下柳纔黃揚子江頭風正狂但使隻雞堪奉母何須
千里客他鄉

平望舟中

一碧環平望春波正漲時遠帆疑不動高鳥去還遲健飯看
人喜停杯引客思堤邊弱楊柳蕩漾萬條絲

海警

旗鼓蒼黃海動塵書生肝膽鬱輪囷深防狡寇來如鬼却怪
逃兵去劫人傳警屢傷烽滿眼遺愁那厭酒沾唇重洋何日
鯨屠赤暖律吹回大地春

高辛研齋詩稿

十七

感賦

盧仝曾受狂鄰辱幸有昌黎作長官此日詩人空被罵他年
應悔嘔心肝

陳氏寶刀歌

寒烽青逼霜天高蒼兕夜哭長鯨驕書生義憤萬壑濤投筆
起看西涼刀刀藏渤海珍蟬貂羽林舊隊龍橫腰想當殺賊
山爲搖人頭萬輩旋枯蒿熱血厚淬鋒火燒戰歸挂壁猶呼
號蜥蜴嚼柄咬皮牢幾百年後腥生毛長鬚拔鞘捷舞猱削
鬪猛落離秋毫傳觀四座風蕭騷神光宿瑩寒不凋銀竹森
雨已十朝橫目仰天哀噉敷願持割霧開瓊霄再劈鬼脯傾

葡萄

雙溪阻雨

連朝積雨鴉鵲啼幾見宵來月上西野渡一篙斜到岸平田
百頃驟通溪灘流激石尋常險雲氣漫山咫尺迷棼醉濁膠
同撥悶年來酒量不曾低

見陸叟酷似陳荦卿丈感而賦此

每因優孟思孫叔爲遇虎賁感蔡郎何意元龍形宛肖却逢
陸叟令人傷

墜瓦折秋海棠

牆角忽飄瓦摧殘秋海棠此花真可惜世事本無常剩有莓

高辛研齋詩稿

十八

苔老偏看蔓草長空齋方坐雨覓句弔餘芳

錢子密應溥以紙索書卽轉乞祭丁牛肉戲占

鷺羣逸少籠將去羊肉坡翁換可如我愧持書賺濕耳被人
却喚索牛書

淞郡考棚中有桂一株困頓風塵久矣王伯陽先生見

而惜之爰命剔蛛網培露根奇香四發迥異羣木因
賦詩紀之

也應磨折使成材葉蠹根翻亂石堆太守偏能加護惜名花
畢竟要栽培風來却後香逾發月有緣時蕊正開安得韓宣
徧封植不教嘉樹困蒿來

松花

黃雪濛濛點碧山，滿林幽朶護蒼顏。格高修竹寒梅上，影落疎籬野屋間。遊伴尋芳應不到，仙人採藥可曾還。千年老竈歸巢晚，夜氣初沉月半彎。

風來樵徑動微香，百尺虬枝秀鬱蒼。釵影春排千壑翠，粉痕曉撲一溪黃。凌空細碎團朝霧，入望真濛淡夕陽。最好娟娟飛瀑下，泥人靜坐聽笙簧。

冬春行

東家西家聲轟鏗，冬天處處春香秬。解衣露膊舉大杵，兩人對擊若鬥爭。此杵乍落彼杵起，一日須春十石米。米多春急

高辛研齋詩稿

十九

風飛糠大雞小雞走啄忙，馬鬣作篩竹編簸。積雪照米瑩交光，餘租足飽一年食。正供况早輸官倉，醫瘡幸免重剗肉。六月誰家糶新穀。

楓涇舟次感賦

葫蘆潭裡昨登舟，聽雨今偏引別愁。諸弟饑驅皆適館，弱妻病起尙居樓。寒梅空憶開牆角，春草無情惹渡頭。酒盞自傾還自慰，古來騷客例輕遊。

六開舟中

邛溝侵曉發，烟景倚蓬看。到開水逾駛，過江春較寒。蹇驢隨處雇，飢隼不時盤。回憶瓜州渡，潮平月色寬。

春曉聽雨

麥苗猶短厭春晴忽聽瀟瀟響土吏怪道山農應快意曉禽也喜弄新聲

和單允符

元易

咏畫眉鳥元韻

解賦珍禽筆有神分飛還感轉蓬身遙憐千里粧臺月定鎖春山憶遠人

寄家書不果

琅川古城半月居離家千里得家書客中更擬將書寄却少一雙金鯉魚

四月二十三曰爲原聘周氏生辰感而賦此

高辛研齋詩稿

二十

憶自摧蘭蕙光陰已七年存時猶隔絕死後更茫然并少近來夢真虛前世緣今朝汝生日一念一回憐

又

汝棺猶傍母汝母卽吾姑盟誓修先好因緣乘半途前塵傷錦瑟舊繡惜珍珠

原聘沒後乞得遺繡數種至今珍藏之

識面空遺畫知能髣髴無

江陰歸途作

鎖日東南風不停阻風歸客滯吳舫江魚入饌銀絲白野筍登盤玉版青雲漏日光垂匹練樹圍村勢列重屏羨他溪寺僧行汲攜得軍持帶細萍

打麥詞

桑扈飛遲榆柳暗夏熟初登雲壓擔所喜晴乾穗藁長高堆
暖積牛官旁東南風來響拍拍薄暮新炊餅餌香溪前聲多
和桔槔村後更雜絲車縑去年苦潦無一束今年收成過一
斛朝來又禱黃梅雨水足秧田種禾黍

歸舟薄暮

澤國天晴久行舟水氣腥渡頭倚竹日篙眼漱萍星歸鷺飛
飛白流螢閃閃青四村方渴雨準擬臥樓聽

向晚遊小園

隅園東角小園名向晚追涼取徑行老樹陰森日乍落長魚

高辛研齋詩稿

三

潑刺風初生坐臨虛閣古懷遠立傍平橋人影清撲却俗塵
知幾斗歸途鄰寺動鐘聲

癸卯新秋將之暨陽瀕行聞周次軒士清自西安歸不

值感賦

故人公瑾久知名醉後常稱離恨生常為次軒作離恨生序却怪交深

翻會淺次軒歸日少軒行

壬寅夏王伯陽太守權吳淞郡甫旬餘夷船陷上海犯

吳淞太守畱尤將軍渤兵擊賊城賴以安事平卒以

失援上海削秩同人索詩紀事遂痛飲走筆成此

黑風燒海半天紫亂突長蛇走蒼兕旄頭搖搖鼓不起大官

移營上將死妖氛驟逼漚瀆水濛衝擊波疾若矢破屋壞雲
壓堞雉萌隸蒼黃晝閉市嘒城累卵誰障此尤將軍王太守
是將軍環甲扞沙觜太守登陴定揮指賊撼不動退舍止鬪
馱千歲生牙齒功較藺廉去不咫豈雌籌筆雄執弭虎帳策
勳酬將才能輪奪職何爲哉升沉忽判不可回一肯掩德心
驚猜上洋官兵昔未摧大旗五丈營門開萬馬蹴踏聲喧虺
越羅楚練驕輿臺驀傳飛礮轟犇雷捷足乘甲遲作灰華亭
眠竊清且哀杯水焉救車薪灾五日京兆况乍來孤城捍敵
殊崔嵬擧以失屬雉入罾谷水咽憤寒澌洄攀轅不得泣叟
孩拂衣竟去秋風纔雖然世事迭倚伏步兵何用窮途哭平

高辛研齋詩稿

三

原古村酒旗轟會須痛飲新篘熟塞翁達觀失卽福鄒衍之
律回温谷書生終兆封侯卜燕頤虎頭飛食肉

旅病口占

客裏難爲病無人侍起居畏風頭易暈減食脚眞虛異地防
醫誤常時棟藥書路人勞問訊情厚意無餘

阻風遊小金山

黃甫墩邊路頻年過客舟偶緣風浪逆却上寺門遊漁網春
撈蜆僧航晚渡鷗九峯青對岸嵐影撲層樓

圖山風阻撥悶紀遊

南風淨掃碧雲陰舟滯江干密密林說鬼苦無客解事登山

喜有僕同心草牙綠犯梯田細杏頰紅攪鬢井深仙蹟奇憑
樵子述危巖幽洞費探尋

山頂有洞樵者云
曾有仙人居此

感逝

爲室人何氏婉難作

客子方千里斯人竟九泉出門餘涕淚何處覓嬋娟自古非
無死如卿劇可憐書來眞痛絕望眼已先穿

移寓

移寓小齋幽差堪慰客愁隙塵飛野馬籬蔓引牽牛烏几書
閒讀朱門刺懶投朝來新雨過爽氣豁吟眸

孫松岑詹事

青銘

招飲卽席戲占

作客長安道相逢半酒徒新交成灑落豪飲雜懽呼月樹猶

高辛研齋詩稿

二十三

飛鵲風檐忽墮蛛長卿正消渴何處覓當壚

哭朱粹菴同年

元勳

客裏頻攜手交情久益親暫逢惟說鬼險語必驚人己惜淩
雲翮還同失水鱗遽聞玉樓召知己淚沾巾

又

慘澹憶君歸都門馬不肥積勞身况弱大病志眞違反席未
安寢征塵猶滿衣生還成死訣何以答春暉

啖菱角及藕得絕句

菱角登盤新帶荇藕芽出水淨無泥依稀小艇湖頭賣不傍
蘇堤便白堤

吳烈女湖州人

河麋鴛鴦離雄獨居土臬來犯自投清渠解一延陵弱艾為李

養媳夫遊漢水侍姑孔盡野心狼子夕匿入溜解一手女足女

驚號玉女金女脫逃潔身懇馮夷黑月寒滔滔解三縣官犇色

來檢屍眾寃白官官不知一棺掩恨沉荒陂解四揚揚惡少漏

網免竟黨萑符卒禽珍縛向吳門比屠犬官喪心天具眼解五

同里吳庄掇潛發幽沉寃雪洗赤旱雲油六月降甘雨萬家

拜貞女解六

題扇絕句

海棠先睡怯黃昏粉頰斜支掩淚痕倚懶拚嬌頻寄夢銀燈

高辛研齋詩稿

三

背月照春魂

題顧東川先生秋山放鶴遺照

箕風振四郊高秋入山脊乍結深公廬時踏阮家屐青田豢

胎禽籠開理素翮樓領莽翎唯兵爪斗騰擲靈鷲同遊翱狂

鳴亂叫嚇珞岑刺奇青虛空挾孤白翹想林逋仙萬梅花繞

室湖心見月羽知有叩門客誰言衛乘軒馴之同五尺先生

虎頭癡然煉研蠹冊高懷四海局巨手太華擘貪看凌霄姿

松根涼脫幘何為遽蛻化日睨西崦夕華表倘歸來人民恐

非昔

敝裘蟲蝕若刻畫感而賦此

長物原無幾貪殘爾可噴潛形同鬼蜮得路逐灰塵厚藉陰
霾氣甘爲蟻蝨臣亦拚飽饒腹愧乏紫貂珍

夜宿何白英農部

國琛

宅不寐感賦

客裏有沙哥衝寒向晚過相畱緣小飲不寐卽長哦月影下
窻白風聲得樹多謝公與愛女可借已山阿

銅鼓歌

爲沈箐士比部作

我聞羊城海神廟有二銅鼓分雌雄建陵節署足競爽一大
一小形模工南康昔年亦負獻癡眠銘篆雕秋蟲焦山舊藏
吾所睹土花駁犖嵌青紅石湖曾詳虞衡志金罍還辨竹垞
翁蟬紋鼉甲發光恠流傳並自蠻溪銅君今何處得此鼓體

高辛研齋詩稿

二五

若坐墩空當中蟾精隱翳澗底月虎魄夜走巖坳風躍江幾
令河伯守伐社直使山魃聾或云新息實創始後有作者諸
葛公毒蒸鳶翅嵐氣熱瘦敲馬骨秋聲同蓐食晨炊騰燄燄
嚴更夜警聽逢逢大劍長鎗旣韜戢粗沙狼石相磨礪又聞
獠酋每鑄造爭豪角富誇奇寶竹王祠裏晝啼鴉烏巢河畔
春多草袍篔簹管雜佻歌瓦缶沙鑼爭擊考亂翻錦襖舞天
姬暗擲銀環報都老雨點晴飛白鵲山雷聲冬發黃牛堡終
朝叩銀費鏗眩銅若有神銅亦惱久拋鎖甲感銷沉幸列圖
書快蒐討七星八面詎等倫馬革夔皮盡臣阜仙人鈿淚別
千年嗟我何爲生不早所珍士行比精鏐鈴說卮言紛一掃

未窺寶器試摩挲得讀瑤篇已傾倒

等士首唱長古

郢醪醉我索題

風箏

限高字

并序

花旛徐動玉鐸初驚餘寒粟肌高籟鏗耳錚瓏何處素
手疑調天矯當空童心易觸每憶夕陽城外碧浪湖頭
竹馬騎來紙鳶爭放片影高揭么絃遠張半日偷聞踏
殘草跡一絲斜引同上瓜皮喜逸響之先騰何俊遊之
難再如吹蘆管天涯盡起離愁那覓蔗漿客裡易消熱
念聊撓雞距藉答跼絃幸質同聲無虞寡和爾

高辛研齋詩稿

二天

宮角層霄假羽毛遠疑凌霧縠隱欲步雲璈雅製初栽竹新
符正換桃肖形彎柘幹奮響勒絲條結構心何巧飛騰首共
搔蠅頭權子母蝸髻聚兒曹乍喜分錢賣休辭引線勞盤爭
鈴鴿健縛傍紙鳶牢平曉城同上新春壘慣逃紅腔連曲巷
綠意入晴臯促柱悠揚動長繩宛轉捺影斜攬柳浪調激雜
松濤何處吹龍管憑誰撥鳳槽十三絃宛弄廿四信頻遭旅
况成蕭瑟歸心繫大刀泠泠聞遠籟剪剪拂征袍偶覺聲搖
曳旋驚竅怒號桓伊應撫曲沈約合抽毫朔吹寒逾急餘音
靜不聳隔花傳嘹亮擘柳想蕭騷回憶見時樂頻添客思切

彈冰誰解識邀月且浮醪

分詠唐花 得翦字

紙窗土屋淨如繭，獸炭春多曉寒淺。綠盆小樹疊層層，吳門
烘胚幾回選。掘窖深知得氣先，圍爐暖喜逢丹轉。差擬山家
午焙茶，不知石徑冰封蘚。幾度溫風扇動紈，一番時雨泉流
篔簹幕。催妝夢乍回，雕珮新翻力猶軟。檀心暗暈吐嬌姿，疑
勝玉環隨鳳輦。購得還藏屋似舟，供來只合香生篆。風饗雪
虐漫牢愁，紙醉金迷足消遣。慣招凍雀眼偷窺，幽引寒蜂翅
微展。不須覆土戲韓湘，絕勝吹律來鄒衍。所惜天倪付劫灰，
脆同日及舜凋。流明根本由來貴，護持枝葉休教浪攀踐。蟾
輝蝕後卜重圓，猶隨擣殘醫遇扁。珠藥還期爛漫開，玉蕊好

高辛研齋詩稿

二七

待輕盈撚吟成，閣筆沸瓶笙。硯凍蹙鱗風，試翦

題周縵雲太史同年

學濬

蘋洲漁叢圖

兩三間屋枕寒流，憑眺軒窗事事幽。何處滄浪吟短調，蘋花
宜曉遂宜秋。

晴雪點溪香繞船，參差吹徹已忘筌。憑誰共聽烟波曲，一隻
鷺絲寒聳肩。

都門三載訂雞壇，輸與雲璈天上彈。空憶秋風生水榭，十分
涼意撲關干。

雲開雁路粵山青，入桂江頭一使星。料得周郎能顧曲，不教
椽竹老柯亭。

除夕祭詩

橋頭買得酒一壺庭前高燒燭兩株中設錦囊貯詩卷旁列
梨棗雜木奴浪仙勝事已千古何妨依樣畫葫蘆平生爲汝
苦搜索敝帚豈與千金殊猶憶昔年歲方雛夙慧了了通之
無每吐奇句驚老宿偶憶清景追亡逋十三讀書到蔣徑湖
山往往同鯉趨花港春深鈔乳燕葑田秋老飛寒鳧疎雨便
乘烏舫約斜陽時趁青旗沾此時追隨足吟興瓣香暗祝髯
公蘇一從風木感銜恤楚南千里占從姑媵蛇畫飛溪霧濕
子規夜叫嶺竹枯乘車山鬼解凝睇帶刀戍卒頻爭呼依人
去住兩非計蠻語聊復從媿隔歸來柴門歷二載馬頭飛雪
遊燕都少年同學半朱紫嗟我何爲猶泥塗驚沙入櫓霜風
麤梅花窺帳桃換符雕肝斲腎吾敢怨半生甘苦惟爾俱憑
渠後人浪覆瓿再拜不覺成盧胡燭殘舉酒還自飲頽然一
醉吾忘吾

題周次軒

士清

享金集

庸庸守財虜障麓癡可想次軒幾卷詩豪敵千金享當其凌
滄洲一筆貫五丈柔腸盪春魂顛氣軼秋爽生平卅角交惟
予慣來往一別已五霜月落關河莽薜若鳳城秋緇塵九衢
廣快觀蛇珠新慚驚馬齒長窮作蘆中人賤仍竈下養再讀
近來句酒後增慨慷離緒况纏懷明朝木蘭漿

放雀行

昨晚風雨暴庭除水奔深何來黃口雀曲踊泥淖中腹毳盡
霑濕畏人竄棘叢欲飛不得上毛羽愧未豐彷徨喪家狗瑟
縮號寒蟲頗似原憲病何殊伍胥窮乍見生惻隱攜歸寄雕
籠今晨兩翅燥縱之入晴空眾雀各驚喜亂噪花牆東寄語
善養翮勿輕效冥鴻弱材鶯高蹈誰能持其終玉環不用報
黎筭吾無功

津門寓舍雜賦

入世無如容膝安茆齋斧木足盤桓何堪五十年中事楊氏

園亭便入官

時寓楊氏園林

高辛研齋詩稿

二五

北地入多重大仙何曾一箇遇嬋娟聊齋老去真無賴好說
仙緣惑少年

當年鑿石砌成池石破池荒祇幾時向使源頭尋活水未應
立涸竟如斯

丁香摧折海棠枯野棗叢生幾十株也識衰興有代謝孰令
饑朔飽侏儒

題壁

品石評花豈偶然十旬小住亦前緣最憐鳥啄風箏處當有
何人卸翠鈿

蘭亭梓澤總邱墟弱水斜陽駐得無苔壁題殘催解纜篆憑

蝸角網憑蛛

寄周次軒

故人隔面動經年無限離情寄暮天咫尺通州阻相見秋風
又上潞河船

掃雪

昨夜飛霰疊作堆平明攜帚掃庭隈直疑分水水能立還訝
撥雲雲自開便擬呼童沽酒去好教待客帶詩來玉塵百斛
憑收拾漸露寒階漠漠苔

不妨門外深三尺先向園中闢一條旋沍冰花紛白碎尙餘
霜葉點紅嬌奚奴小立頻呵指名士從來也折腰最好竹枝

高辛研齋詩稿

三十

新壓倒隨風自解拂瓊瑤

消寒分詠新樂府得琉璃毬 刺惡少也

琉璃毬氣何雄不名掠地虎卽號混江龍側帽不覆額披裘
不束胸成羣輒三五敖遊無西東喜卽把盞好忿便磨刀從
夕陽欲落天多風鐵環琅琅鼓逢逢斜街小市聚童稚挾之
而去如拾蕃兒卽啼號呼父母其奈鼓聲聒耳一去追無蹤
控官官不問訴吏吏或通安得使君明且公捉將官裏比四
函君不聞水晶燈籠張中庸

分詠戰國宮詞得燕宮

公子征衣尙未縫頓教太后氣填胸殷勤入諫回慈意陳翠

何殊趙觸龍

燕臺虛說築黃金好德爭如好色心不見崇霞高百尺旋娟
又試繞梁音

結客無非計報秦柔黃何苦斷來新咸陽七首提銅柱不負
青宮負美人

耽耽猛獸踞深山得假餘威豈等閒烏喙若非秦少壻臨淄
那得十城還

分詠建安七子得應德璉

叢薄蝸蟻沸湍深脊令悲文學值雲擾焉能免流離令弟亦
才彥苦乏子孟資八鴻正多故四牡將安之乍奮北魏跡得
伸南淮眉建章預歡讌平原相追隨幽蘭發華館清醕湛瑤
卮幸逃烏林危願副黃髮期美志惜不遂西崑迫頽曦風篁
動涼夜空令愴陳思

臨清道中

梨花如雪映桃花茆屋青山一帶斜駐馬橋邊問行路前村
是否散仙家

苦雨口占

插秧時節雨連綿綠柳叢中浪接天十萬桔槔齊着力車將
瀟水出平田

車水纔乾正望晴那知連夕又傾盆瀟湖菱葉都平檻前度

瓜皮直到門

千金費盡養池魚池漲魚多走太湖湖畔漁人翻得利投竿
連得四腮鱸

黍爛禾荒豆盡枯書生憂世未全迂旁人那識杜陵志却笑
君家半畝無

汶上題壁

驚沙亂礫捲當空中道回車計亦窮客裏非家何所戀在
他吹煞石尤風

古意

幽卉開難足深閨思不禁名花與美女俱有向陽心

高辛研齋詩稿

三三

送錢子方孝廉

炳森

昆季南歸

翰爾還南早將離此日情雁行歸海國馬足滯都城野樹浮
雲合寒蕪落照平何時重把袂家釀約同傾

又

自笑眞成誤秋期尙未歸夢涼虛角枕醉劇汗征衣叢菊花
無數垂楊葉稍稀山妻聞善病頗悔浪遊非

見瓶蓼感賦

昨日出門去野蓼可人意折歸貯古瓶飛瓊綴雲帔瑣碎穗
垂紅輕盈葉含翠愛翫數須臾枝低花半墜客子爲感傷對
之不成醉萬物離本根焉能免蕉萃

對酒

對酒忽不樂悠然思故鄉
秋潮侵野渡夜雨漫平塘
稻浸年仍儉松疎徑就荒
吳興今夜月寂寞照流黃

馮小亭太史

培元

邀飲同人賦詩

朋簪不易集高會
值燕京異鄉同門友
何殊親弟兄平章
稻蟹味對翫霜菊
英杯深酒力厚未及
賢主情相交在直諒
不在利與名薄俗
鮮真意屠沽笑公卿
感子情誼重詩成還
同賡投分期皓首無
忘寒歲盟

完糧行

去年田水一丈強今年田水還平塘
北風蕭蕭吹稻芒縣官

高辛研齋詩稿

三十三

騎馬催開倉開倉多在十月月底後
及城市先四鄉誠知市人猾不若鄉人
愚鄉人粒米等珠玉倉胥踐踏如泥塗
較升量斗不足惜最怕南糧與折色折
色一升錢二百南糧三石作一石醫瘡
剜肉真可憐鄉人何處呼蒼天夜深空
抱牛衣泣胥吏揚揚歸度年

新年四詠

風來巽地五雲舒
執憲明時早授書
象譯狄鞮頒朔遠
重光淵獻紀元初
本無禁忌觀宵永
長祝平安到歲除
最好中秋桐葉閨
瓊樓玉宇興何如

時憲書

貴從公輔賤么麼
鱗次編排遇順多
載藉應防漸大雅
幾人

無忝出高科儘教庶姓榮登選安得循聲久不磨便算名經

記千佛詎容一例傲巖阿

摺紳錄

春門氣象頓崢嶸歷歷頭銜照鳳城比戶居然題仕版循牆
大可振家聲直疑翠幕掛銀榜便抵丹書著玉京料得騎驢
佳客到漫勞枚數早分明

門封

雲間日下姓名畱爭似明珠莫闇投齊物不妨呼作馬大書
深恐誤成牛慣兼褚薛歐虞體濫到陰陽道墨流才子漫矜
鸚鵡賦袖中一刺已三秋

名柬

大言小言易集林

造易八元周旋萬里天女推床河伯捧醴遊觀滄海乘風駕

高辛研齋詩稿

三四

雨壽如松喬千秋起舞

蠶室蜂戶千柱百梁蠟螺生子蝦蟆代王蛭飛蠕動相與爭

強離婁明視不見元黃

題薰籠美人

秦箏低却稱身裁翠袖間憑日幾回翻怪箋香容易燼相思
到底不曾灰

寄周文泉刺史姑丈

樂清

別竟十年餘無由侍起居每因千里雁幸得數行書大集人
爭讀循聲眾不如何當適東魯問字更牽裾

中秋對月有感

浪遊渾不覺秋月最撩人何事團圓夜常爲羈旅身宿醒疎把盞遠夢逐歸輪料得深閨裏雙眉永夕顰

題畫

疎樹經冬瘦虛亭盡日間那知清悶客直欲傲荆關

又

羽書日旁午獨坐寫溪山自分無長策天公特放閒

題黃韻珊孝廉師

變清倚晴樓圖

新秋晚涼甚塊處同孤雲閒階花爛漫獨酌還易醺披圖一再翫鄉思夕紛紛做廬東海頭故址射圃分別來日蕪圯石徑深苔紋何當翦藜藿一爲息勞筋涪翁眞吾師小樓峙斜曛旁收兩園勝尙友千載羣嵐影近城合濤聲高枕聞籌邊豈不貴楚粵多妖氛卽此數椽適足傲百戰勲安得卜鄰住從遊細論文

題畫

寂坐幽齋眾壑鄰興來畫石必通神山精未敢相窺探祇恐先生爲寫眞

癸丑正月南歸道中口占

京華十載駐征騷但得歸家夢便酬一路柳条青一日計程二月到江南

壯士長驅曳落河楚氛未識近如何赴官苦有程期迫料得

離愁歸更多

因病不飲用高季迪韻

我昔喜豪飲酒樽無日空同儕事沈酣笑談座生風沈疴忽
纏擾醫謝藥石攻舉杯不上口磊塊填我胸歲闌滯遠宦閉
戶風雨中縱有苦蘇酒味與越釀同見之輒眉皺虛負眞珠
紅如何未四十便似支離翁遣愁更無術養病終何功飲食
數所定還當問天公

羈愁

不住瀟瀟雨羈愁日夜新病深多漫客才短總輸人憤世心
徒壯歸家夢當眞安能拋藥椀痛飲洞庭春

立夏口占

高辛硯齋詩稿

三十六

公明曾許我立夏病應除

請賴古愚

今日逢佳節私心祝太虛櫻

廚期客醉藥椀逐醫疏從此身長健歸來好荷鋤

病起

風雨當長夏艱難一病夫廢餐忘旦夕入夢只須臾謝客門
常掩呼童杖代扶朝來身稍健幸草喜旋蘇

病愈落齒數枚感而賦此

我生體氣弱筋骸本不良無端遘厲疾百醫窮其方屢盡遇

新知其人乃純陽

謂呂幹堂

遣我薰鼻藥藥力眞非常薰之

六七夜病去人則疰頰腫類怒蛙舌蹇成寒螿牙齒漸搖動

脫落四五強病去良可喜齒脫亦可傷雖餘十數枚其柰少
扶將吾本三弟兄風雨時聯牀季弟前歲逝手足慘已戕物
貴同氣助齒寒由唇亡柰何毀遺體思之涕泗滂

自到長沙移居凡四處各紀以詩

其一 臨升公館

寬寓固應難星沙纔解鞍三椽近市隘尺地界籬寬井祀黃
神廟門臨烏鬼欄况兼地卑濕何似駐長安

其二 梧莊

移寓得芳塘迴欄繞曲廊碧梧秋有信紅芰晚逾香烏弄干
般巧魚跳一尺強只憐城上卒成角起斜陽

高辛硯齋詩稿

三七

其三 軍裝所

夏屋連兵氣書生急束裝毛錐奚足數羽檄不辭忙久戍修
矛戟殘師得甲裳總期烽燧掃無復事戎行

其四 小烏門陳宅

後苑鄰花圃租錢月七千縱辭整軍武差喜養疴便得失塞
翁馬功名上瀨船幽吟遲未就捧硯小童偏

自辭軍府便儵然賃得烏門屋數椽萬事庸人多自擾一庄

故我總隨緣沈年病累情尤達消夏吟成興欲顛竹榻晚涼
檐際臥貪看星斗久忘眠

新移小烏門寓戲占

由來習靜是良方小寓新移趁早涼
驅却病魔應萬里邀來酒客定千場
琴書安置頻煩弟粉黛慵施恰愧郎
自笑閒雲纔出岫鱸羹便擬入秋嘗

暑雨書懷

連朝愁酷暑今日喜層陰驟雨鳴荷葉
新涼到竹林備嘗遊宦味祇繫故園心
何日家書達兵戈感陸沈

長沙

長沙經歲住風物故鄉懸入夏先鳴蟀
迎秋始響蟬豆多羊眼細菜厭馬蹄
圓差喜香秔賤今年况有年

高辛研齋詩稿

三天

病間有感

病起都無力秋來枕簟清熱腸消宦味
冷眼見人情夢電無根蒂浮雲幾變更
歸帆何日挂重與白鷗盟

白題賣馬買畫圖並序

甲寅季夏養疴長沙旅况特窘舊蓄川馬
出售三萬錢適鄭估攜畫障至一則唐靜巖
所續山水一則王耕煙墨筆茄菜也披覽擊
節嘆爲絕品卽傾錢買之雖囊仍枵然弗顧
也因作賣馬買畫圖并綴長句

廛中汗血不受鞭骨格雖小形神全主人
病乏點金術賣却三萬青銅錢得錢未暇糴
新米鄭老入門顏色喜手持名畫

照眼新靜巖山人石谷子秋風老圃實紫茄深山窈窕藏龍
蛇神遊目注嘆卓絕無異天馬來流沙傾囊急購不論價旁
人笑嗤僕夫罵自憐結習逐年深渾忘窮途無處借昔聞愛
妾換神駒今日神駒易畫圖男兒處世要脫畧戀棧齷齪非
吾徒

記二俠

巖生述旅店少年

巖生好遠遊曾出山東道日午落茅店客飯馬具藁何來少
年郎皙白顏色好下馬入土階指酒卽便討一飲數十觥云
未解吻燥遂令高陽徒相對心傾倒就之問姓名歡言攄懷

高辛研齋詩稿

三九

抱寄家燕齊間遊歷出門早夙慕劇孟豪慣笑廉頗老千里
輕客途一劍守吾寶佳俠名盡知狙奸跡如掃縱談日易斜
結束何草草黃白燦盈囊信手付酒保跨馬去絕塵凌風逸
鵬皂

程生述附舟客

程生亦佳士常作荆楚遊異哉附舟客骨竦黃鬚蚪終朝絕
飲咬問之何因由動稱竢他日他日抵某州擲金叫舟子速
爲酒食謀雞豚及秔稻堆積若山邱願盼噉且飲神光射雙
眸倏忽盡數器鼓腹氣食牛一旦謝別去贈以香數籌云若
遇非常焚之戢羣偷後值風水阻晚泊蘆荻洲火光夜告警

炷香插船頭侵晨舟子語昨夜集盜舟三盜距躍上未上輒
反投盜眾遂驚潰其故不可求顛末爲具述斯人眞殊尤

吳樸安同年熊將之官通道感別二首

六年辭薊北半載聚湘南又作新秋別曾無竟日談宦途羈
老馬病榻困春蠶不是爲貧仕棲遲若個堪

其二

兵燹半天下爲官豈令圖匏瓜懸晚圃蓴菜老秋湖何計成
高蹈從人笑古愚離愁誰遣得一醉肯來無

向晚遊復聖宮

顏氏祠堂古蕭疎柏樹林庭寬天自大池迴水逾深歸鳥投

高辛研齋詩稿

四

雲際游魚漾岸陰愧無田負郭空抱遂初心

復聖宮晚步感賦三絕

向晚追涼復聖宮清泉淪茗更誰同人生到處堪行樂那羨
東鄰足穀翁

其二

旅病經年盡藥方早從修短悟彭殤須知蒲柳零秋易豈爲

吳門白練光

其三

窮途詎免求全毀同學猶疑拾飯塵願把四箴書四壁蠅營
狗苟只憑人

養病

養病祇高臥當牕竹榻橫浮雲五濃淡涼日暫陰晴厭聽藥
千杵閒消碁一枰不才同散木寂寞感平生

早起訪鄒載賡刺史

颺廷

怡園

高林上早暎披葛到怡園花草俱秋色紅黃尙露痕元龍起

高臥孔雀動孤鶩圓蓄孔雀一頭為詣君平卜無嫌曉叩門

時從載賡問卜

志感二首

奸民殘吏兵戎伏吳楚經年擾青犢駢誅齷從半良懦蔓草
浸膏烏攫肉暑蒸狴犴囚夜呼雨濕疆饑鬼秋哭李賀詩噉
噉鬼母秋

高辛研齋詩稿

聖

郊哭

嗜殺方能媚長官得情邨更更哀焚獨於庠安得召公

爽甘棠為造黔黎福好生自足澹天蓄何事諸公恣殺戮

其二

軍需火急招鄉勇行糧更彼百夫重惡少巨猾盡竄名賊未
近前陣先聳流亡子女不聊生剝掠雞狗無遺種但呼軍令
合干營誰向幕庭試三踊於庠安得淮陰侯善將市人庶無
恐不然主帥苟睚眦創戈階亂同微燼時聞廣勇有反噬者

散步

蝸廬晚猶熱散步向前村野屋多臨水嚴城早閉門朦朧絃
月上睨曉陣雲屯喜聽三軍捷歸來倒綠樽

自愧

古來盛名下坎墮每隨身自愧成愚魯何爲亦病貧天狼纏翼軫山鬼嘯松筠祇作歸田計扁舟事隱淪

聽鄰兒讀書有感

鄰兒讀書聲琅琅聽之眞若雛鳳凰所誦惟何斯干章乃生男子宜君王孔抱釋送定有自待豐羽翼青雲翔令我不覺神黯傷年未四十先老蒼歲歲出門客他鄉尙無稚子能扶牀縱有阿咸已解讀郵塾難期師友良安得明珠出老蚌他年柏匱詩能藏

聞岳州捷音

高辛研齋詩稿

四三

聞道巴邱捷沿江賊勢窮銀槍軍整肅鐵杖帥驍雄謂塔提軍龜虎逼方畧風雷助戰功還須防蠱毒莫恃六鈞弓

問居

臥病難爲客投閒豈負吾典衣供藥裏側帽會棋圖欲賦賈生鵬空思張翰鱸祇因悟倚伏差足慰艱虞

憶故鄉

湖上山秋色城頭海夜聲半生羈客夢千里故鄉情旅雁斷來信閒鷗寒舊盟拌辭朱紱去莫使綠蕪平

秋病旅居

時閏七月

露冷風高落葉稠藥香茶熟小齋幽宦情原淡况多病離緒

已深偏閨秋資斧蕭條常偃臥兵戈浩蕩足牢愁龍方肘後
誰傳得願飯青精到白頭

贈金補之明府

德麟

二首

曾抱西河慟誰憐南國羈邠知七十叟更得一雙兒戲並騎
青竹來爭弄白髭楹書都付讀猶見鳳凰池

其二

許結忘年契翻嫌識面遲交親堪薄俗文采重當時佳醞邀
人把新辭卽景爲鄰居千萬買几杖日追隨

時與補翁鄰寓

柬高嘯琴明府同年

溥

難得高常侍閒來肯重過夕烽江上遠秋雨客中多薄宦從

高辛研齋詩稿

聖三

微祿離懷託放歌十年情話客不見憶如何

旅病屢承高嘯同年臨診志感

屢顧方頻錄沉疴許漸除情深羊叔子病劇馬相如素問應
藏枕黃精尙待鋤明朝占勿藥定擬訪肩輿

觀化

君子貴安命達人惟信天由來萬物理造作損自然禍福迭
倚伏其勢若轉圓宋牼兆妖孽胡馬行來還失明役乃免折
髀身反全蒼蒼天道遠人豈能及焉我來潭州城佗僚經歲
年觀化化及我無脈何肩肩近猶患輔頰飲歡苦不便敢矜
如簧巧木舌殊難宣幽居龍蛇蟄瑣事珠桂牽賓客每相唁

奴僕亦可憐世俗易悲喜我生識幾先帚做轉久享膏明多
自煎患難徃行素煩疴庶就痊

間思

涼臥曉慵起閒居秋費吟雞鳴庭樹老蛩語砌苔深我有高

山曲天涯幾賞音周郎猶作客且擬夢中尋

余平日所撰詩文與同鄉周次

軒孝廉齊名次軒居城西人呼西軒余本號少軒居城東人呼東軒兩軒文字交若膠漆焉

幽棲

爲此拘拘者幽棲蟋蟀堂敢矜三尺喙空結九迴腸時事談
都絕陳編憶漸忘鼠肝與蟲臂聊復事蒙莊

向晚間步感賦

高辛研齋詩稿

四

向晚挈弟僕出門恣徜徉遠山已蒼然高城猶夕陽蕭疎臥
池柳秋風動初涼暗蟲啼不歇宿鳥歸何忙野屋上細火短
籬出微光行徑多犖確安步皆康莊始知矜躁釋險易可等
量山蠶亦歐絲寒草必吐芳嫫母銜蹇修駑駘涎飛黃丈夫
七尺軀所貴能經邦兵戎况未息蠹喙撼柱梁縱聞月三捷
赤眉勢尙強何爲困疢疾尸居負昂藏遺慮聊散步終當事

四方

秋夜書懷

半生旅况同浮梗一夜離情託燼缸嶽嶺高原齊鷺嶺湘江
清不異錢江飛龍落店憑誰稿海燕棲梁只自雙遙憶故鄉

好風月雲鬢掠削倚樓窓

初涼

亭午天猶熱清宵氣已涼
秋聲連樹杪書味入燈光
砧杵關河迴丹鉛歲月長
直疑水精域明月浸空廊

思良醫

本朝上醫手葉薛最知名
謂葉天士薛生白俱得青囊秘能令白骨
生疏方巫覡走視疾鬼神驚
時難思賢佐年來共此情

承金補翁以奚蒙泉童二樹畫各一幅見贈賦謝

奚岡弱篠風神遠童鈺寒梅筆力遒
愧我尙遲瓊玖報多君勝似木瓜投

高辛研齋詩稿

四十五

思舊四首

馮小亭侍郎同年

培元

不見杭州馮小亭空留碧血照丹青
梅花冷落稽留法柿葉飄殘皇甫銘
小亭畫法稽留山民書宗歐陽皇甫碑

汪醇卿太史同年

廷儒

醇卿質樸是吾師宿學中年始鳳池
漫向畫圖尋九友松筠回首儘堪悲
庚戌臘八日醇卿招集馮小亭汪叔明秦宜亭葉香士張菊如華遂秋袁宗山及余於松筠庵消寒合作長卷爲畫中九友令圖存庵中

張受之山人

辛

受之純孝世間稀名滿京華一布衣
篆刻至今人什襲苦心

邨識事庭闈 受之事親最孝精篆刻

吳已生明經 靖符

嗜酒耽琴吳已翁年過六十興猶濃巫咸彭祖終寥寂幾見
菖蒲長紫茸 已翁素喜神仙之術

雞

飲啄傍柴扉生涯爾輩微細蟲應未盡獨鶴自高飛公膳多
叨竊比鄰有是非羣棲休好鬪野老久忘機

猪

糟粕兼藜菟朝朝餉所須心難厭谿壑身喜負泥塗莫遇齊
襄射還逢聶政屠食貧吾俟命富不羨金烏

高辛研齋詩稿

罕六

犬

愛爾賦形小毛茸雙耳垂容來解渾識童出便相隨莫漫欺
家鶩還須逐野狸淮王丹丸轉雲路好遊嬉

金魚

魚小纔盈寸盆池適性真陸離堪炫目文采不蓄身密藻藏
全尾輕漪動細鱗料應鯨跋浪照海彩霞新

蟋蟀

唧唧遍牆陰何緣事苦吟隨風淒夜永帶雨逼秋深頻斷幽
閨夢偏驚旅客心役車勞未息歲月易駸駸

秋蚊

子子盈溝澮隨時盡化蚊經秋應漸少入夜尙成羣小市喧
殘圃輕雷殷遠聞蓬蒿半黃落剪刈鼠同熏

南天

南天吁可怪城郭半如村魍魎連烽火脂膏入草根皂旗淹
久戍赤幟厭游魂何日安平太山居不掩門

閒遊

拙宦成吾懶耽遊野徑斜看雲知化理汲井悟生涯遠篠藏
山市垂楊繫水車黃昏遲月上歸路認三叉

梨

憶昔山東道哀梨個個輕着牙春雪脆落爪曉霜清鮮欲無

高辛研齋詩稿

七

秋望

夕陽城郭暗秋思滿登臨湛湛楚江水蕭蕭楓樹林片帆極
天遠野屋與雲深散步歸來晚聊爲莊鳥吟

兵革

楚南賊稍遠粵東賊又熾宦途病不仁兵革豈天意安得大
吏公庄明推心置腹無隱情上下一體關痛癢宓子彈琴四

野清

可歎

古人重義不重利今人重利不重義重義楚越猶一家重利
骨肉無真意堂堂官府爭錐刀交情誰復存綈袍鄉里小民

更何怪一錢性命輕鴻毛攻城掠邑直故事豺狼滿野兵戈
勞軍須無資催科迫何異救火重添膏吾儕無能空太息仰
視矍矍旄頭高

張春江刺史

宗世

惠詩依韻奉和

名士襟期拙宦身相逢一笑楚湘濱未能免俗聊爲爾可與
言詩少似君驥櫪虛聞嘶夜月龍梭枉費織秋雲坎軻何意
成同調杜拾遺偕鄭廣文

堪笑

堪笑麒麟植全無下士風翠雲麾裸壤白雪駭聾蟲運想天
心復途仍俗眼窮登高佳節近作賦望羣公

高辛研齋詩稿

完

贈張春江刺史

張侯名下士與我寸心同嗜好酸鹹外交情偃蹇中杜陵兼
吏隱楚郡兩詩窮閉戶吟秋雨馳箋約短僮

病懶

善病同摩詰閒居懶更加蟬編蝕雲葉龍劍繡霜花西陸清
秋迴南檐落日斜十旬抛手板蕉萃住長沙

鍾進士圖爲裕時卿太守

麟題

圖爲山陽朱文震作

蚪髯磔張面鏡色藍衫露臂吼霹靂是何鬼物竊玉笛捉將
剗目劈而喫驪山行官扈天蹕道子丹青曾寫出今之斯圖
亦奇特山陽具有吳生筆當其運肘鬼夜泣幽齋恍惚精靈

集盡然相對氣慄慄求君寫真非敢逼圖成頰上重添毫陰
風颯颯生寒綃目稜紫電燭暗霄以扇障面慘不騎魑魅罔
兩夔魑魑閃屍辟易紛騰逃冷羊赤火殊羶臊烏蠻差足充
君庖鐵佛酸眉瞋貪饕笑指蝙蝠蒼天高方令 天子眞
神堯九嬰猶稽后羿刀羽書旁午軍務勞太守胸中握六韜
妖腰亂領難堅牢碧火無燄奔老鴟誓掃瓦聚窮其巢將軍
自有鍾馗喬

君不見

君不見蟄龍伏泥滓君不見病鶴棲蓬蒿九天雷雨奮鱗甲
萬里焮風騰羽毛王侯將相豈有種不事生產眞雄豪困厄
何用心煩勞會取斗印掃羣醜黃金絡馬銀裝刀

高辛研齋詩稿

五十一

九日邀金補翁圍棋竟日

病後登高懶幽齋太寂寥歸心懸五柳飲量減三蕉幸有志
年侶時從隔巷招煎茶供坐隱况對菊花饒

裕時卿太守書來索酒并賸以嶼戲占

太守風流迥絕倫書來爲索洞庭春杜康欲去愁無伴特遣
含黃作賸臣

差喜高峰淨楚天抱關未吏尙匏懸慣看路鬼揶揄笑何日
移封向酒泉

口占戲從廷芳字

桂

劉石渠

廷五

兩刺史索墨

潘谷松煙渺難得豹囊虛說養元中生平嗜此真成癖應笑
前身是鞠通

軟劑問君弃有餘可能分惠到蓬廬不嫌鴉陣無行列他日
當酬數紙書

置酒邀嚴子玉寶珽及譚李諸公小飲卽賦

荆湘烽燧息逸興屬吾曹綠醞浮犀角黃花對蟹螯南風秋
後競時楚師屢捷北斗夜深高莫笑抱關者時清解賦騷

赴昌平任道中口占

高嶺明寒雪肩與上土岡溪智餘亂礫樹鬻補叢篁路曲珠
穿蟻烽清斧戢螳下車自今始辛苦問痍傷

高辛研齋詩稿

五

平江燈夕甚盛口占

新春簫鼓競如雷壯士更番白打來安得兵屯八百里江東
盡掃劫餘灰時各團多獻技勇

銀花火樹亘星橋逐隊迎龍徹五宵山國祇今方渴雨願從
馬鬣灑天瓢

兒童幾個學戎裝蹴踏中庭蠟炬光却憶小時燈節夜也曾
竹馬戲逢場

頗聞父老話從前幾度元宵興索然何意喧闐逢此夕自今
伊始卜豐年

平邑下鄉途中作

跋涉連朝歷險巖
早春暖過麥秋時
水清沙鳥銜魚疾
天旱山農播種遲
極目只愁河似帶
苦心惟望雨如絲
况聞鄰邑猶兵甲
安得天河一洗之

早發

茆店侵星起爲官
底事忙遠山明野
燒深樹見朝陽只
切甘霖望深虞久
旱傷今晨嵐霧重
應見舞商羊

清明登署後小阜感賦

清明歲歲客中過
今歲清明寄汨羅
一縣有山供眺望
四郊多壘悵如何
但看遠樹迷青靄
幾見連營掃白波
更莫思家歸未得
披襟緩步踏層莎

高辛研齋詩稿

五二

羅江聞杜鵑聲

十年不聽杜鵑聲
薄宦羅江到耳驚
亂裏光陰春一半
愁中滋味夜三更
每思陳跡如雲幻
可奈哀啼對月明
鄂渚兵戈方擾攘
何由歸去看深耕

二弟承宗南來

聞道來官解何由
歷五旬西江蛟患
暴南國雁行新漫
憶兒嬉日應傷旅
病身干戈猶滿目
累爾走風塵

無能

生平眞箇百無能
作宰昌羅愧不勝
晝永空揮判事筆
夜涼猶戀著書燈
蕭齋共話惟諸弟
竹榻孤眠似老僧
差喜俗淳

堪養拙清操自守玉壺冰

長壽街勸捐戲作六首

東西北界賊鋒狂春夏秋來軍務忙我止一身何所惜忍教
百姓委豺狼

挪盡錢漕救急難年來寢食幾曾安旁人儘有肩堪卸無可
推辭只印官

賊來雞犬怕難留賊退倉箱喜共收得看破時少煩惱醫瘡
那惜剜心頭

東鄉捐務費親臨嬉笑窮時怒罵侵要識低肩與努目無非
一片阿婆心

高辛研齋詩稿

五三

莫將勸費說官蠻莫把慳錢說俗頑但願紅巾從此滅追呼
不復到深山

來時難免人遭怨去後應思事有因鄰邑久傷鴻滿野一方
安堵賴何人

書懷

時因公下鄉寓野寺中

秋雨蕭疎野寺陰靜中時事獨關心萬家魚鱉河隄決四野
豺狼寇盜侵明鏡幾回催白髮丹砂無術化黃金涓埃未効
書生力塊壘空將濁酒斟

聞塾中兒讀書作此示勉

村塾兒童誦五經寓齋寂坐聽分明詩書足澹兵戈氣便是

休明鼓吹聲

遣愁二絕

露冷葭蒼南國秋離懷只在最高樓河中閱盡東流水不信
盧家有莫愁

愁腸病骨困難支囑付長鏡意太癡劇盡江南紅豆子人間
不許種相思

和李谷林茂才和見贈元韻

會經久別快如新二十年前碧草春往事重談都似夢故交
幾輩已成塵馬蹄遊倦長安陌鴻瓜來尋漢水濱今夜西隄
同翦燭交深文字總前因

高辛研齋詩稿

五

煎人寒煖水西流知已重逢樂未休幾度吸將杯裏月一聲
吹出笛中秋谷林善歌牽來舊恨渾無緒釣得新詩不用鈎堪笑
官齋蝸角小紙牕竹屋且攀籥

鶴嶺晚步和谷林韻

三載狂氛擾楚山幾人戰血左輪殷久拚馬革膏荒野敢望
菟裘營故關何幸殘年猶靜謐却教高阜共躋攀明朝擬築
茅亭子一醉陶然爲解顏

立春日作

巖邑驚春早疎梅出短籬縣環昌字水里建勿形旗估舶帆
稀集軍書檄屢移殘年風鶴警安命復奚疑

春雪寒甚卽賦

冬至已過六九餘無端積雪滿庭除遣寒祇合新醅酒滯宦
都忘舊映書簾幙重遮猶凜冽弓刀森隊更何如誰能借得
東風利直下樓船盪釜魚

春日書懷和李谷林韻

雪銷溪沫擁春湖客思紛紛感阮途桃葉可能田種玉棠陰
那得浦還珠何時脫甲消封豕幾度含沙避短狐門掩蓬蒿
盍歸去壯心無復遲南圖

咏雪分韻

空林拳凍鴉高巖叫饑鹿愁殺杜陵翁何處尋黃獨

高辛研齋詩稿

五五

飛鳥沒何處人家多掩扉獨過野橋去折得梅花歸

六月聞子規

六月邊城叫子規聲聲只道不如歸菱塘雨過水三尺楓嶺
雲漫陰四圍盪寇何人時事棘買山無計寸心違不須費爾
頻啼血鄉思經年繫夕暉

籌捐憩清隱寺作

殘蟬聲咽夕陽斜清隱禪林小駐車翠竹千竿陰滿地西風
開遍鬼燈花

籌捐幾度役風塵豪俠何人立指囷寇患未紓財力盡愧無
長策累斯民

清隱寺古銀杏樹

清隱寺中銀杏樹體兼合抱勢參天旁枝森竦皆千尺巨穴
中枵幾百年慣耐風霜秋剝蝕不教狐兔夜延緣扶持自賴
神明力落葉空山好定禪

九日登天岳山和李谷林韻

九日同登天岳山籃輿得得路回環煙雲變態峯巒外香火
因緣竹石間薺樹平岡知鶴嶺線流野水識蛇灣君山茶好
旗槍細共試清泉不計還

槃澗園新居偶賦

我來槃澗園居然作主人主人本無常何必爲其眞聞昔此

高辛研齋詩稿

五

園主風雅渺等倫亭臺結構始花竹布置新流光若電駛其
人倏已陳我今暫寓此不知更幾旬人生貴率意富貴俱埃
塵逐物損素操徒以戕心神何不飲美酒幽景愜蕭辰陶然
謝形役聊署無懷民

冬仲十日薛鳳墀遠移佳饌並邀張春江范小緝同過

暢飲感賦

薛稷前番有報書尋幽結伴到蝸廬澗中愧我無佳釀挈榼
多君具美蔬柳爲經霜漸搖落竹因少雨轉蕭疎園亭絕勝
拌泥飲他日來知若箇居

三年前憶共傾卮今日重逢慰別離轉眼光陰眞似箭寒心

世局更如棋興豪北海終非分夢醒東坡不合時只有素交
堪寄傲陶然相對菊花籬

槃澗園小敘和薛鳳墀原韻

槃澗平分水竹幽虐棋荒酒好淹畱劇隣遠宦同行脚差喜
寒園得聚頭世事早知前註定吾生何用苦營謀今朝非客
還非主東道原須讓薛收

飲酒吟用槃澗園三字爲韻與春江諸君同賦

朔風起勁節黃華半凋殘人生不百歲景促心宜寬我本少
宦情誤戴朝士冠一爲昌羅宰王事方艱難賊氛數見侵鄰
封多不完苦心籌曲突赤手回狂瀾眾人貪天功苟得良難

高辛研齋詩稿

五

安愧無脂韋性醜致羅譏彈轉喉易觸諱吹毛深求瘡閉門
退思過那敢訾同官高軒幸掃跡雀啁庭柯寒只有不羈士
時來同杯槃

杯槃不在豐叱嗟差可辨魚鼈鱸魚情親豈嫌慢舉觴矚
平臺蕭蕭聞來雁西山晚逾佳相對被塵患昔聞陶元亮家
貧事游宦吏白督郵至束帶苦不慣守拙歸柴桑龍性那受
參亦有王無功簿書職會館一朝謝世網肯復戀豆棧比鄰
瘖子光對酌庶無間醉鄉具眞樂榮華盡虛幻何必苗在山
果勝松落澗

窮達各有分潛見難具論達士多曠懷不如引一樽引樽足

頤情共君載笑言盡歡不爲虐温克古所敦次公昔狂誕灌夫尤憤喧失意恣快口麴蘖實禍門會當立監史須慎儀幡幡一酌師何充再酌式柳渾謬辭絕詆戲元想餐飛根醉酒可觀德非爲耳屬垣君定識三爵我今矢勿諉明朝清無事還來就閒園

樂澗園八景各賦絕句

柳橋

石橋低壓碧波寒瘦盡垂楊夕照殘絕勝東風二三月黃金縷裊赤欄杆

竹亭

高辛研齋詩稿

五

四面幽篁孤草亭蕭蕭寒玉繞煙屏夜深山鬼夜庭睇月透眉梢分外青

槿籬

露華濕槿吐紅芳幾折色籬護曲塘漫惜朱顏易凋謝酒闌重唱舞山香

菜圃

休問英雄老去無燒灰除蝗實吾徒人生耐辱須知足求益眞如買菜乎

魚池

一灣碧沼映寒空無數游魚咬浪同聞說湯沐會泛艇柳花

吹上鈞絲風

水榭

推窗得月詩成後倚檻當風酒醒初貪看迴波平似鏡不教
萬柄種紅葉

小樓

樓居端不異神仙暮靄朝霞盡眼前莫笑兩三椽偏仄醯雞
還老甕中天

平臺

層簷高敞露臺平檻底溪光畫不成落日何人
活火聽松聲

高辛研齋詩稿

五

十二月十七日爲女子小龍百日口占

四旬初度纔生女百日今朝合祀神莫太聰明
疾苦易成人衰翁未必能長壽快婿原須早定親他日漫嫌
牽犬賣祇愁懶惰不愁貧

韻
丁巳四月十二日金補翁招飲以送春詩索和卽步元

雨絲風片了春痕罨畫池塘日易昏度曲怕添啼鳥恨焚香
替懺落花魂一渠流水初平岸無數新篁已滿園莫漫逢僧
閒說法且隨鶴髮醉芳樽

廷芳宇之官鳳凰廳賦此贈別

君欲行時春正回，驪歌忍向席間催。
解頤到處能傾座，促膝前宵共引杯。
何日重尋三徑竹，看番應訪五溪梅。
水程多少新詩句，好寫蠻箋早寄來。

題張紫聯明府

培仁

詩集後

子野歌詞句句新，潭州萍聚亦前因。
三蕉酒力今勝否，乘興來嘗石凍春。

登署後小阜和李谷林韻

時任新化

東風吹緊雪花飄，入畫樓臺盡白描。
黛水村邊寒樹瘦，碧雲觀裏暮鐘遙。
登臨未覺攜筇倦，塊壘還須借酒消。
否羅江

天岳寺同遊時節正秋彫

高梓研稿

卒

其二

餘寒料峭暖猶遲，漸綠溪邊楊柳枝。
祇爲好山厭頻來，高阜立多時。
暮雲乍合樓臺暝，宿雨初過草木滋。
忽聽呢喃雙燕語，故園回首動離思。

山行偶占

山叟相逢鬢盡蒼，自誇筋力老猶強。
手栽松柏三千本，畱與兒孫作棟梁。

絲蝶

靡蕪煙雨影迷離，飛近窗紗總不知。
斜睨曉鬢雲擾擾，低翻春水竹猗猗。
夢回有約傾藍尾，舞罷還教掃黛眉。
已報青梅

齊結子羅浮翠羽儘堪疑

醉司命辭

醉司命醉司命人生不有命在天那信轉移爾爲政拾塵顏
何窮納履原何病李廣數何奇武安勢何橫黃鐘毀棄瓦釜
鳴豈爾倒持太阿柄姬姜自古傷蕉萃雄文何計驅窮祟茫
茫九關不可呼腐儒敢逐王孫媚我欲卜居司命醉

謁三閭大夫廟

爲訪三閭廟尋幽渡石橋霜林寒橘柚風葉碎芭蕉舉世何
堪醒斯人不可招麓峯兵燹後景物日蕭條

題村醉圖

高辛研

空

有唐德宗世朝野盡流亡醉人不可得遇者以爲孝公等一
何幸際時正平康春郊膏雨足桑柘沃生光所見鼙鼓泛
蟻爭飛鷗爲間看維何鮮魚及肥羊爲問菽雜何雜笋兼牙
蔣杯盤雜位置爾汝多形忘不慕猗頓富不羨韓信王得酒
便相勸極歡真何妨疆灌不爲虐泥飲皆若狂日夕各酩酊
起坐半踉蹌或尙塵白戰或已夢黃梁或歸竟倒載或行同
扶將始知神仙境乃在豐樂鄉觀此令人快轉復令人傷吾
鄉本樂土近日亦戰場旣無三年蓄并少七日糧兵亂城遂
陷賊至民多戕收復雖反掌元氣成夷創何時更逢盛續醉

西湖莊

題葆芝岑觀察亭
禊飲畫扇卽集蘭亭羣賢原詠得五

言八韻

相與欣佳節謝安沐浴陶清塵謝繹温風起東谷郗曇熙怡

和氣淳王凝之碧林輝翠萼謝萬綠波轉素鱗王肅之時禽

吟長澗孫統適我無非親王羲之應物各有尙桓偉俯歎世

上賓庾蘊時來誰不懷曹茂未若保冲眞王徽之攜筆落

雲藻孫綽零鷗飛曲津徐豐千載挹餘芳孫嗣尙想味古

人虞說

牛山種樹謠爲舒蘇橋生

誰言牛山赤官來新種柏童官來新松耶柏

高亮

空

耶千雲霄使君名與牛名庾亮不可

送張東墅郡守修府之宦黎廌

去歲秋九月寒新菊始花余解梅山篆放舟來長沙張侯適

到郡蓬門過高車相見笑語温無異居京華憶昔京華駐契

結會猶賒鳧叟年八十長身白垂髭謂陶鳧騷壇振旗鼓勝

侶盡名家羨君玉堂客吐氣絢朱霞把臂如舊識得句爭傳

誇燈紅與酒綠此樂眞無涯余乃爲貧仕來泛湘江槎君亦

謀祿養出守吁可嗟譬之雙黃鵠翦翎送籠笈秉性嫉軟媚

逢人多疵瑕餓鴟嚇腐鼠一骨輕相牙要知薰蕕別祇在轉

念差直道終可貴守身期無邪君今赴郡去靈溪極荒遐毒

霧墮高鳥叢箐藏異蛇峒蠻雖獷悍貴以恩威加江河始涓
滴斧柯及萌芽苟能慎其漸何致盜若麻遠戍增野竈連營
動悲筵縱云天數爾豈非人事耶微官乏長策聽鼓空趨衙
一麾君努力政聲致循嘉臨岐聊餞別巷居室如蝸魯酒幸
可醉肴核愧微些時事且絕口今夕當歡呀有如背癢發重
倩麻姑爬爭將巨觥引莫報嚴更搥出門忍西笑月落參橫
斜

題張東墅嶽麓記游圖

往歲游嶽麓歸來恨無詩幽勝思在日歷歷
君今命
遊屐來與余相期塵事
後登驅隨
一卷意

若傲我爲前有无礙
石參差始述寺蹟古再志山經繁爲終雜感
生寒姿
人生若危露世途多險巖名山脚可到不遊詎非癡昔讀黃
山記愉悅夢見之屬我爲題詠句成拙可嗤今復重誣誘搜
腸斷吟髭却怪浣紗女何緣憐東施

癸巳十一月廿四日得字
郭石廡家友棠



大不可

山

葉苔荒

生寒姿

黃

誣搜